

登  
科  
記  
考

登科記考卷二十一

大英徐

唐文宗元聖昭獻孝皇帝

大和四年

庚戌

正月德音天下諸色人中有賢良方正能直言極諫及經術優異  
可爲師法詳明吏治達於教化等科委常參官及方牧郡守各舉  
所知草澤無人舉者亦聽自舉限來年正月至上都

唐會要

十月中書門下奏應開元禮學究一經二禮三史明習律令科人  
等準大和元年十月二十三日敕散試官及白身人並於禮部考  
試其有出身及有官人並吏部科目選者凡是科目本合在吏部

試自分兩處考試每處皆別與人數轉多事理非便臣等商量坐

準前吏部收試其諸節目並準大和元年十月十三日敕處分從

之冊府元龜

是年敕進士進士及第不得過二十五人見下九年中書門下奏

進士二十五人 宋祁狀元見道熙三山志王 林簡言道熙三

祁榜進士林簡言字欲訥芝堂談舊作宋祁誤 楊發唐才子傳楊發大和四年禮部

書楊收傳楊遺直生四子發假收嚴發字至之大和四年 舊

登進士第又以書判拔萃釋褐校書郎湖南觀察推官 令狐

綯舊書令狐楚傳子綯字子 魏扶舊書鄭餘慶傳令狐綯魏扶

事扶登大和四年進士第大中初知禮闈入貢院題詩云梧桐葉落滿庭陰鎖閉朱門試院深曾是當年辛苦地不將今日負前心

榜出無名子削為

鄭滂

因話錄進士鄭滂在名場歲久流輩多

五言詩以讓之

鄭滂

已崇達常有後時之歎一夕忽夢及第

而與韋周方同年當時韋氏先期舉人無周方之名者益問闊大

和元年秋移舉洛中時韋景方居守尚書族弟也赴舉過陝尚書

時

廉察陝郊詰景方曰我名宏景汝兄宏方汝名景方兄弟各分

吾名一字名之殊無義也遂更名周方

滂聞之極喜曰吾及第有

望矣四年周方果同年焉

滂登朝至殿中侍御史

章

周方上

只

諸科七人

拔萃科

張正矩

太平廣記引續定命錄秘書監劉禹錫其子咸

切比歸闕以情訴于朝賢大和四年故吏部崔羣與禹錫深于素

分見禹錫贈贈如此尤欲推輓咸允其秋羣門生張正矩充京兆

府試官羣特為禹錫召正矩面以咸允託之覲首選焉及榜出咸

允名甚居下羣怒之戒門人曰張正矩來更不要通正矩兄正矩

前河中參軍應書判拔萃其時羣總科目人考官糊名考訖羣讀

正矩判心竊推許又謂是工部尚書正甫之弟斷意便與奏及敕

下正矩與科目人謝主司獨正矩敢敘前致詞某殺身無地以報相公深恩一門之內兄弟二人俱受科名拔擢粉骨齕肉無以上答方泣下語未終羣忽悟是正矩之兄弟勃然曰公是張正矩之兄爾賢弟大無良把羣販名豈有如此事與賊何異公之登科命也非某本意更謝何為

知貢舉

禮部侍郎鄭瀚

見唐語林

五年

辛亥

正月十七日詔以兵戈未息舉人權停

唐會要按卽舊年正月德音所舉者

十二月國子祭酒裴通奏當司所授丞簿及諸館博士助教直講等謹按六典云丞掌判監事凡六學生每歲月業成上于監者以其業與司業祭酒試之明經帖經口試策經義雜論一試

雜文策時務徵故事注云其試法皆依考功口試明經帖限通八  
以上明法明算皆通九以上主簿掌印句檢凡學生有不率師教  
者則舉而免之其頻三年下第九年在學無成者亦如之注云假  
如違程限及作樂雜戲者同準彈琴習射不禁諸博士助教皆分  
經教授學者每授一經必令終講所講未終不得改業諸博士助  
教皆計當年講授多少以爲考課等級應補當司諸學生等按學  
令云諸生先讀經文通熟然後授文講義每旬放一日休假前一  
日博士考試其試讀書每千言內試一帖帖三言講義者每二千  
言內問大義一條總試三條通二爲及第通一及不全通者酌量

決罰謹具當司官吏及學生令典條件如前伏望敕下有司允臣

所奏敕旨宜依

冊府元龜  
唐會要

進士二十五人

杜陟

狀元玉芝堂談薈  
以李遠為狀元誤

李遠

唐才子傳李遠  
字求古大和五

年杜陟榜進士及第蜀人也遠有及第後送家兄游蜀

殷羽書

詩陪新及第赴同年會詩

玉芝堂談薈遠夔州人

殷侑傳子羽大和

徐商

李隲徐襄州碑公名商字秋卿始舉進  
士文宗五年春考登上第舊書徐彥

五年登進士第

若傳父商字義聲大中十三年及第釋褐祕書省

李汶儒

唐詩  
紀事

校書郎按大中十二年商已為襄州刺史本傳誤

汶儒登大和五年進

苗惲

韓文考異引登科記惲大  
和五年進士第蕃之孫也

士第官至翰林學士

諸科六人

拔萃科

韓皋

太平廣記引續定命錄昌黎韓皋故晉公況之支  
孫博通經史大和五年自大理丞調選平判人等

知貢舉

中書舍人賈餗

舊書本傳大和三年拜中書舍人四年九月權知禮部貢舉五年榜出後正拜

禮部侍郎凡典禮闈三歲所選士七十五人得其名士多至公卿者七年五月轉兵部侍郎

六年

壬子

是年賈餗奏復別頭試

新書選舉志

進士二十五人

文苑英華辨證引登科記大和六年試君子之聽音賦以審音合志鏗鏘為韻

李珪

狀元

許渾

唐才子傳許渾字仲晦潤州丹陽人圍師之後也大和李珪榜進士讀書志作字用晦渾有及第後春情詩

云世間得意最春風散誕經過觸處通細搖柳臉牽長帶慢撼桃株舞碎紅也從吹幌驚殘夢何處飄香別故叢猶以西都名下客

今年一月

畢誠

舊書本傳誠字存之鄆州須昌人祖凌父勻誠少孤貧然薪讀書刻苦自勵既長博通經史尤

始相逢

能歌詩端慤好古交游不雜大和中進士擢第又以書判拔萃東觀奏記畢誠本估官之子連昇甲乙科永樂大典載蘇州府



志畢誠大和六年登第 撫言畢誠相公及第年與一二人同行  
聽響卜夜艾人稀久無所聞俄遇人投骨于地羣犬爭趨又一人  
曰後來者必銜得 北夢瑣言唐相畢誠吳鄉人詞學品度冠于  
儕流擢進士未遂其志嘗謁一受知朝士者希爲改名以期亨達  
此朝士譏其醜賈之子請爲誠字相國忻然受而謝 韋澳 舊書  
之竟以此名登第致位臺輔前之朝士慚悔交集也 韋澳 韋賈  
之傳子澳字子斐大和六年擢進士第又以宏詞登科 南部新  
書韋澳舉進士時日者陳子諒號爲陳特快云諸事未敢言惟青  
州節度使不求自得後果除拜 按許渾有 杜顓 杜牧故淮南  
酬康州韋侍御同年詩而悞未爲御史俟考 杜顓 支使試大理  
評事兼監察御史杜公墓誌銘君諱顓字勝之年二十四明年當  
舉進士始握筆茸闕下獻書與裴丞相度書指言時事書成各數  
千字不半歲遍傳天下進士崔岐有文學峭澀不許可人詣門贈  
君詩曰賈馬死來生杜顓中開寥落一千年年二十五舉進士二  
十六一舉登上第時賈相國餽爲禮部之二年朝士以進士于賈  
公不殺有傑強毀嘲者賈公曰我祇以杜某敵數百輩足矣大中  
五年卒年四十五是上第在此年而牧上宰相求湖州第 侯春  
一啟云顓二十一舉進士及第蓋傳鈔誤 按顓牧之弟

時許渾有與侯春時  
同年南池夜話詩

崔□  
許渾有送同  
年崔先輩詩

諸科五人

知貢舉

禮部侍郎賈餗

見上

七年

癸丑

八月甲申朔冊皇太子德音漢代用人皆繇儒術故能風俗深厚  
教化興行近日苟尙浮華莫脩經藝先聖之道堙鬱不傳況進士  
之科尤要釐革雖鄉舉里選不可復行然務實抑華必有良術旣  
當甚弊思亦改張今寰宇乂甯干戈已戢皇太子方從師傅傳授  
六經一二年之後當令齒冑國庠以興墜典宜令國子監于諸道

搜訪名儒置五經博士各一人其公卿士族子弟明年已後不先入國學習業不在應明經進士之限其進士學宜先試帖經並略問大義取經義精通者次試議論各一首文理高者便與及第其所試詩賦並停其試帖經官便以國子監學官充禮部不得別更奏請

舊書本紀

冊府元龜

唐大詔令集

按開成元年文宗

謂宰臣所見

詩賦似勝

去年是大和九年

仍用詩賦也則停

試詩賦惟大和

甲寅一年耳

禮部奏進士舉人先試帖經并略問大義取經義精通者次試議論各一首文理高者便與及第其所試詩賦並停者伏請帖大經各十帖通五通六爲及格所問大義便於習大經內準各明經例

問十條仍對眾試口義伏惟新制進士略問大義緣初釐革今且以通三通四爲格明年以後並依明經例其所試議論請各限五百字以上爲式敕旨依奏

冊府元龜  
唐會要

九日敕宏文崇文兩館生今後並依式試經畢日仍差都省郎官兩人覆試須責保任不得輒許替代

唐會要

是月國子監起請準今月九日德音節文令監司於諸道搜訪名儒置五經博士一人者伏以勸學專門復古之制博採儒術以備國庠作事之初須有獎進伏請五經博士秩比國子博士今左氏春秋禮記周易尚書毛詩爲五經若論語爾雅孝經等編簡旣多

不可特立學官便請依舊附入中經敕旨依奏

冊府元龜  
唐會要

十二月敕於國子監講論堂兩廊創立石壁九經并孝經論語爾

雅共一百五十九卷字樣四十卷

冊府元龜  
唐會要  
按新舊

始其時又勅覆定九經字體見九經字樣蓋是年覆定乃於九年  
上石也一百五十九卷當作一百六十卷  
劉禹錫國學新脩五  
經壁本記初大厯中名儒張參爲國子司業始詳定五經書于論  
堂東西廂之壁辨齊魯之音取其宜考古今之文取其正繇是諸  
生之師心曲學偏聽異說咸束之而歸于大同揭高懸積六十  
歲崩剝汗巖泮然不鮮今天子尙文章尊典籍于苑囿不加尺椽  
而成均以治國學上言選賜千萬時祭酒韓實尸之博士公肅實  
佐之國庠重嚴過者必式遂以羨贏再新壁書懲前土塗不克以  
壽乃析堅木負墉而比之其制如版牘而高廣其平如粉澤而潔  
滑皆施陰關使眾如一附離之際無迹而尋堂皇覩深兩廡相照  
中命國子能通法書者分章揆日遜其業而繕寫焉筆削旣成璧  
校旣精白黑彬斑瞭然飛動以蒙來求煥若星長以敬來趨藹如

神明以疑來質決若著蔡由京師而風天下覃及九譯咸知宗師  
非止服逢掖者鑽仰而已于是學官陳師正等暨生徒凡四百二  
十有八人請金石刻且歌之曰我有學宇既傾而成之我有璧經  
既昧而明之孰規矩之孰發輝之祭酒維齊博士維章俾我學徒  
弦歌以時切切祁祁不敖不嬉庶乎適人來采我詩時余為禮部  
郎凡替宗之事得以闕快故書之以移史官宜附于藝文云 按  
石經勒于大和九年故是時國學尙用木  
版自大曆十一年至是歲為五十八年

進士二十五人

李餘

王芝堂談薈大和八年狀元李餘成都人  
按八年狀元為陳寬則李餘當在此年

李福

舊書李石傳石弟福字能

魏謩

舊書本傳謩字申之鉅  
鹿人五代祖文貞公徵

曾祖殷祖明父馮謩大和七年登進士第 謩言大和初李相回  
任京兆府參軍主試不送魏相公謩深銜之會昌中回為刑部侍  
郎謩為御史中丞嘗與次對官三數人候對于閣門謩曰某頃歲  
府解蒙明公不送何幸今日同集于此回應聲答曰經如今也不  
送謩為之色變益懷憤恚後回謫牧建州謩大拜回有啟狀謩悉  
不納既而回怒一衙官決杖勒停建州衙官能底徭役求隸籍者

所費不下數十萬其人切恨停廢後因亡命至京師接時相訴冤諸相皆不問會亭午憇于槐陰顏色憔悴旁人察其私詰之其人具述本意于是誨之曰建陽相公素與中書相公有隙子盍詣之言訖魏公導騎自中書而下其人常懷文狀卽如所誨望塵而拜導從問對曰建州百姓訴冤公聞之倒持麈尾敲檐子門令止及賈狀所論事二十餘件第一件取同姓子女入宅于是爲魏相極力鍛成大獄時李相已量移鄧州刺史行次九江遇御史鞠卻廻建陽竟坐貶撫州司馬終於貶所胡澥宣室志澥家於東郡以文學知名大和七年春登進士第時賈餗爲禮部侍郎後二年文宗皇帝擢餗相國是歲冬十一月京師亂餗與宰臣涯已下俱遜去有詔捕甚急時中貴人仇士良護左禁軍命部將執兵以窮其跡部將謂士良曰胡澥受賈餗恩今當匿在澥所願得驍健士五百環其居以取之士良可其請于是部將擁兵至澥門召澥出厲聲曰賈餗在汝家汝宜立出不然與餗同罪澥度其勢不可以理辨抗辭拒之部將怒執澥詣士良戮于轅門之外太平廣記引補錄記傳作胡澥又云澥前嶺南節度使誕之子誤明經科雲麓漫鈔于是年列三傳科三史科蓋誤以爲

明經科

制科也三傳當入明經下三史當入諸科下

諸科五人

知貢舉

禮部侍郎賈餗

見上

八年

甲寅

正月禮部奏明經宏文崇文館生太廟郊神齋郎掌坐等共五百五十二人今六色共請減一百三十八人從之

冊府元龜

是月敕明經及第不得過一百一十人

見下九年中書門下奏

是月禮部侍郎李漢奏準大和七年八月敕貢舉人不要試詩賦

策且先帖大經小經共二十帖次對正義十道次試議論各一首

訖考覆放及第

冊府元龜



是月中書門下奏進士放榜舊例禮部侍郎皆將及第人名先呈宰相然後放榜伏以委在有司固宜精慎宰臣先知取捨事匪至公今年已後請便令放榜不用先呈人名其及第人所試雜文及鄉貢三代名諱並當日送中書門下便合定例敕旨依奏

冊府元龜唐

會要

七月堂帖中書門下御史臺尚書省諸道節度觀察使置令各舉

解周易一人

冊府元龜

八月丙申詔罷諸色選舉以歲旱故也

舊唐書本紀冊府元龜

九月敕吏部禮部兵部今年選舉並緣秋末蟲旱相因恐致災荒

權令停罷及歛藏之後物力且任念彼求名之人必懷缺望之念甯違我令以慰其心宜依常例卻置應緣所納文狀及銓試等期限仍準今年格文遞延一月

冊府元龜

十月禮部奏進士舉人自國初以來試詩賦帖經時務策五道中間或更改更旋即仍舊蓋以成格可守所取得人故也去年八月敕節文先試帖經口義論議等以臣商量取其折衷伏請先試帖經通數依新格處分時務策五道其中三道問經義兩道時務其餘並請準大和六年以前格處分敕旨依奏

冊府元龜

進士二十五人

記纂淵海引秦中記唐大和八年放進士多貧士無名子作詩曰乞兒還有大通年六十三人龍仗

全薛庶準前騎瘦馬范鄴依舊蓋番瓊按是年進士諸科祇三  
十六人言六十三人誤是年殷恪劉筠等第罷舉見摭言

陳寬狀元雍陶進士及第姚合有送雍陶及第歸觀詩云獻親

冬集書比橋復何如此去關山遠相思笑語疏路尋丹壑斷人近  
白雲居幽石題名處憑君亦記余賈島有送雍陶及第歸成都

甯親詩云不唯詩著籍兼又賦知名議論于題稱春秋對問精半  
應陰瞞與全賴有司平歸去峰巒眾別來松桂生振江流水品當

道白雲坑勿以攻文捷而將學劍輕製衣新濯錦開醞舊燒罌同  
日昇科士誰同膝下策雲溪友議雍陶上第後稍薄于親黨

裴坦新書本傳坦字知進隋營州都督世節裔孫父父福建觀  
察使坦進士及第北夢瑣言唐相國裴公坦大和八年

李漢侍郎下及第自以舉業未精遽此叨忝未嘗曲謝座主辭歸  
郭縣別墅三年肄業不入城歲時恩地唯政狀而已至于同年鄰

於謝絕掩關勤苦文格乃變然始到京重獻恩門鄭處誨舊書  
文章詞采典麗舉朝稱之後至大拜為時名相也

慶傳餘慶孫處誨字延美於昆仲聞文章苗恪韓文考異引登  
拔秀早為士友所推大和八年登進士第

年進士第

趙璘

璘作因話錄云余座主隴西公爲墨丞奏今孔

蕃之孫也

趙璘

尚書溫業丞相徐公商爲監察及孔爲中丞隴

西公淹恤在外多年除宗正少卿歸朝而孔徐二公竝時爲丞相

每譏集人以爲盛事亦可嘆息于宦途也按隴西公爲李漢是璘

于大和八年登第璘于大和六年

薛庶

見

范鄴

見

應京兆府試入等第亦見因話錄

諸科十一人

知貢舉

禮部侍郎李漢

舊書本紀大和七年六月壬申以御史中丞李漢爲禮部侍郎

九年

乙卯

十二月中書門下奏今月九日閣內面奉進止令條流進士人數

及減下諸色入仕人等進士準大和四年格及第不得過二十五

人今請加至四十人明經準大和八年正月敕及第不得過一百

一十人今請再減下十人伏以國家取士遠法前代進士之科得人爲盛然于入仕須更指搆必使練達固在經歷起來年進士及第後三年任選委吏部依資盡補州府參軍緊縣簿尉官滿之後來年許選三考後聽諸使府奏用使人協律郎四衛佐未滿三考不在奏改限如任江淮官特與勉其綱使又聞每年貢士嘗僅千人據格所取其數絕少強學待用嘗年不試孤貞介士老而無成甚可惜之臣等商量望付所司精求行藝起來年添滿四十人及第仍委禮部于所試諸色貢舉人元格數內共減一十五人都守每年放出身黃衣人數永爲定制編入常格庶令才人速得自効

經於下位以致上達可之

冊府元龜 容齋續筆引登科記中書門下奏進士元額二十五人請加至四

十人即此年奏也

中書門下又奏奉進止令減下諸色入仕人其宏文館學生見定

十六人今請減下一人敕旨依奏

唐會要

進士二十五人

鄭確

狀元 確王芝堂談薈作確

賈馳

唐才子傳賈馳大和九年鄭確榜進

士

何扶

撫言何扶大和九年及第明年捷三篇因以一絕寄舊同年曰金榜題名墨上新今年依舊去年春花開每被

紅妝問何事

牛蔚

舊書牛僧孺傳僧孺子蔚字大章十重來只一人五應兩經舉大和九年復登進士第

侯固

高熙三山志鄭確榜進士侯固字子重

閩縣人累官郟坊靈武易定節度使

諸科五人

王凝

舊書王正雅傳王凝字致平十五兩經擢第再登進士甲科以乾符五年卒年五十八推之十

五歲在  
是年

知貢舉

工部侍郎崔郾

舊書本傳大和八年爲工部侍郎集賢殿學士權知禮部是于九年知舉也

開成元年

丙辰

正月辛丑朔大赦天下改元制曰其有藏器待時隱身巖穴奇節獨行可激風俗者委常參官及所在長吏各以名聞文武之道合而兼濟勲臣子弟有能脩詞務學應進士明經及通諸科者委有司先加獎引

冊府元龜  
唐大詔令集

二月癸未宰臣奏事于紫宸殿帝曰從來文格非佳昨試進士題目是朕自出所見詩賦似勝去年宰臣李石曰陛下改詩賦格調

以正頽俗高鋈亦能厲精取士仰副聖旨

冊府元龜

五月庚申判國子祭酒宰臣鄭覃奏太學新置五經博士各一人

請依王府官例賜以祿粟從之

舊唐書本紀

十月中書門下奏朝廷設文學之科以求髦俊臺閣清選莫不由茲近緣覈實不在于鄉閭趨名頗雜于非類致有跋扈之地情計交通將澄化源在舉明憲臣等商量今日以後舉人于禮部納家狀後望依前五人自相保其衣冠則以親姻故舊久同游處者其江湖之士則以封壤接近素所諳知者爲保如有缺孝弟之行資朋黨之勢跡由邪徑言涉多端者並不在就試之限如容情故自



相隱蔽有人糾舉其同舉人並三年不得赴舉仍委禮部明為戒

屬編入舉格敕依奏

唐會要

進士四十人

冊府元龜自其年至二年三年並高鋹知貢舉每年皆恩賜題目及第並四十人

陳上美

唐才子傳

陳上美開成元年禮部侍郎高鋹放榜第二人登科

鄭史

永樂大典引宜春志鄭史字惟直宜春人登開成元年

進士第

唐詩紀

蔡京

唐語林邕州蔡大夫京者故台狐相公楚鎮滑臺之日因道場見于僧中

事鄭史終國子博士

勸學平師從之乃得陪相國子弟後以進士舉上第尋又學究登

科零陵鄭太守

陸瓌永樂大典引蘇州府志開成元年舍人高鋹知舉陸瓌登第

史與京同年

陸瓌

年舍人高鋹知舉陸瓌登第

李口

詩引云谷

卬歲受同年丈人故川守李侍郎教諭又詩云多感京

河李丈人

童蒙受教便書紳按谷為鄭史之子李侍郎蓋與史同

年其名

劉瑑舊書本傳瑑彭城人祖璠父燭瑑開

俟考

劉瑑

舊書本傳瑑彭城人祖璠父燭瑑開

裴德融

侯考

成初進士

擢第

新書瑑字子全

平

廣記引盧氏雜說裴德融諱皋值高錯知舉德融入試錯曰伊諱皋向某下就試與及第同一生事後除屯田員外郎與同除郎官一人同參右丞盧簡求到宅右丞先屈前一人入從容多時前人啟云某與新除屯田裴員外同祇候右丞裴員外在門外多時盧遽使驅使官傳語曰員外是何人下及第偶有事不得奉見裴倉迫失措騎前人馬出門去按高錯知舉不知第幾榜附載于此諸科九人

知貢舉

中書舍人高錯

舊書本傳大和七年遷中書舍人九年

春試畢進呈及第人名文宗謂侍臣曰從前文格非佳昨出進士題目是朕出之所試似勝去年鄭覃曰陛下改詩賦格調以正頽俗然高錯亦能勵精選士仰副聖旨帝又曰近日諸侯章奏語太浮華有乖典實宜罰掌書記以誠其流李石曰古人因事爲文今人以文害事懲弊抑末實在盛時乃以錯爲禮部侍郎

二年

丁巳

高錯司貢籍詔曰

按此詔在去年秋以係二年貢舉事類載于此

夫宗子維城本枝百代

封爵所宜無令廢絕常年宗正寺解送人恐有浮薄以忝科名在

卿精揀藝能勿妨賢路所試賦則準常規詩則依齊梁體格乃試

琴瑟合奏賦霓裳羽衣曲詩任用韻

雲溪友議

唐闕史開成初文宗皇帝耽玩經典好古博

雅嘗欲黜鄭衛之樂復正始之音有太常寺樂官尉遲璋者善習古樂爲法曲簫磬琴瑟戛擊鏗拊咸得其妙遂成霓裳羽衣曲以獻詔中書門下及諸司三品以上具常服班坐以聽金奏相顧曰不知天上也瀛洲也因以曲名宣賜貢院充試進士賦題

高錯先進五人詩奏曰臣錯昨日奉宣進止令將進士所試詩賦

進來者伏以陛下聰明文思天縱聖德今年詩賦題目出自宸衷

體格雅麗意思遐遠諸生捧讀相賀自古未有倍用研精覃思磨

勵緝諸其今年試詩賦比于去年又勝數等臣日夜考較敢不推  
公進士李肱霓裳羽衣曲詩一首最爲迥出更無其比詞韻既好  
人才俱美臣前後吟詠近三五十遍雖使何遜復生亦不能過兼  
是宗校臣與狀頭第一人以獎其能次張棠詩一首亦絕好亞次  
李肱臣與第二人其次沈黃中琴瑟合奏賦又似文選中雪月賦  
體格臣與第三人其次王收賦自立意緒言語不凡臣與第四人  
其次柳棠詩賦興思敏速日中便成臣與第五人凡此五卷詩賦  
擢其中科實所不愧其餘三十五人或獎舊文別錄人材非止一  
途四面搜擇臣並與及第李肱舊文亦好人物絕奇每視其闕他

日必爲卿相宗枝之俊實爲難得況屬籍之中讀書爲文者甚少  
伏望聖恩俯留宸覽李肱等五人詩賦若有不堪敢受欺天之罪  
如或可採伺候聖心其李肱詩賦伏望陛下聖慈特加獎飭宣示  
百僚以勸皇族飭脩之道臣繆忝主司不勝慙慙之誠其詩賦總  
爲一卷謹隨狀奉進以聞上披文曰近屬如肱者其不忝乎有劉  
安之識可令著書執馬手之正可以爲傳秦嬴統天下子弟同匹  
夫根本之不深固曹周易不非也

雲溪友議  
唐詩紀事

覆定石經字體官朝議郎權知河王友翰林待詔上柱國賜緋魚  
袋唐元度撰新加九經字樣序云臣聞秦焚詩書塞人視聽漢興

典籍以廣聰明伏以龜鳥之文去聖彌遠點畫訛變遂失本源今  
陛下運契黃虞道崇經籍觀人文以成俗念鳥跡之乖方繇是遂  
微臣之上請許以國學創立石經仍令小臣覆定字體謬當刊校  
誓盡所知大厯中司業張參掇眾字之謬著爲定體號曰五經文  
字專典學者實有賴焉臣今參詳頗有條貫傳寫歲久或失舊規  
今刪補冗漏一以正之又于五經文字本部之中採其疑誤舊未  
載者撰成新加九經字樣一卷凡七十六部四百廿一文其偏旁  
上下本部所無者乃纂爲雜辨部以統之若體畫全虧者則引文  
以解于雅言執禮誠媿大儒而辨體觀文式遵小學其聲韻謹

依開元文字避以反言但紐四聲定其音旨今條目已舉刊削有成願竭愚衷以資後學當開成丁巳歲序謹上

石刻拓本

八月十二日中書門下牒新加九經字樣一卷右國子監奏得覆定石經字體官翰林待詔朝議郎權知汴王友上柱國賜緋魚袋唐元度狀準大和七年十二月五日敕覆定九經字體者今所詳覆多依司業張參五經文字爲準其舊字樣歲月將久畫點參差傳寫相承漸致乖誤今並依字書參詳比就正訖諸經之中別有疑闕舊字樣未載者古今體異隸變不同如總據說文卽古體驚俗若依近代文字或傳寫乖訛今與校勘官同商較是非取其適

中集錄爲新加九經字樣壹卷或經典相承與字義不同者具引  
文以注解今刊削有成請附于五經字樣之末用證紕誤者其字  
樣謹隨狀進上謹具如前中書門下牒國子監牒奉敕宜依牒至  
準敕故牒工部侍郎平章事陳夷行中書侍郎平章事李石門下  
侍郎平章事李固言右僕射兼門下侍郎國子祭酒平章事覃檢  
校司徒平章事劉使司徒兼中書令使刻拓本石

十月癸卯宰臣判國子祭酒鄭覃進石壁九經一百六十卷時上

好文鄭覃以經義啟導稍折文章之士遂奏置五經博士依後漢

蔡伯喈刊碑立於太學創立石壁九經舊書本紀鄭覃傳文宗

即位四年覃奏曰經籍訛



謬博士相沿難爲改正請召宿儒與學校定六籍準後漢故事勒  
石於太學永代作則以正其闕從之覃斌進士浮華開成初奏禮  
部貢院宜罷進士科初紫宸對上語及選士覃曰南北朝多用文  
華所以不治士以材堪即用何必文詞帝曰進士及第人已曾爲  
州縣官者方鎮奏署即可之餘卽否覃曰此科率多輕薄不必盡  
用帝曰輕薄敦厚色色有之未必獨在進士此科已置二百年亦  
不可遽改覃曰亦不可過有崇樹時太學勒石經覃奏起居郎周  
墀水部員外郎崔球監察御史張次宗禮部員外郎孔溫業等校  
定九經文字旋令上石石經在今西安府學凡十二經又附以  
五經文字九經字樣共二百二十八石都計六十五萬二千五十  
二字其末題云開成二年丁巳歲月次於元口惟丁亥書石學生  
前四門館明經臣艾居晦書石學生前四門館明經臣陳玠書石  
學生前文學館明經臣鵬翔書石官將仕郎守潤州句容縣尉臣  
段絳校勘兼看書上石官將仕郎守四門助教臣陳莊士覆定字  
體官翰林待看書上石官將仕郎守四門助教臣陳莊士覆定字  
體官翰林待詔朝議郎權知河王友上柱國賜緋魚袋臣唐元度  
校勘官兼專知都勘定經書檢校刊勒上石朝議郎守國子毛詩  
博士上柱國臣章師道朝散大夫守國子司業騎都尉賜緋魚  
袋臣楊敬之都

檢校官銀青光祿大夫源國子祭酒同中書門下平章事太清宮使監脩國史上柱國榮陽郡開國公食邑二千戶臣覃考鄭覃傳及劉禹錫記蓋自大厯十年詔定經本次年張參書五經子論堂之壁大和七年祭酒齊暉司業韋公肅易之以木鄭覃之議勒石實發端于此石經創議于大和四年校刊于大和九年畢工於開成元年九月至十月乃上進

進士四十人

試琴瑟合奏賦寃裳羽衣曲詩任用韻見上

李肱

狀元雲煥友議李君文章精練行義昭詳策名于睿哲之朝得路于韋蕭之室然止于岳齊二牧未登大任其有命焉

張

棠見上一

沈黃中

見上

王收

或作牧非收行古之子進士登第見舊書王微傳

柳棠

見上雲溪友議東川處士柳全節習百家之言衣華陽鵲筆或呼爲柳尊師又曰柳百經有子棠應進士舉才思優瞻見者奇之龐嚴舍人瞻所諸歌姬方戲于堦問墻頭何人也曰柳秀才也遽令姬者飾妝召柳秀才對觀之龐公曰恐墻上遠見不得分明故請細觀瞻棠深恥之不辭而去時裴諫議休因封事出漢州卽棠舊知也聞棠來且喜及晉謁則藍衫木簡而已裴公扣其故對曰

名場孤寒虛擲光景欲求別粟之養以成子道焉有宴召馮煥胡  
據柳棠三舉士裴公於棠名下注曰此柳秀才已于鹽鐵承事不  
用屈私令棠見之蓋惜其舉子也柳棠之欲罷舉者爲麗門有失  
乃棄藍袍而歸舊服非時請見司諫司諫謂曰子方年少篇翰如  
流不可驟垂長坂蘭謝深林況今急士之秋必能首送兼與薦書  
開成二年上第後歸東川厯旬但居狎斜舊游之處不謁府主楊  
尙書汝士楊公謂諸賓曰每見報前柳棠秀才多于妓家飲酒或  
三更至暮竟來相訪社日必相召焉及召棠至已在醉鄉矣斟三  
器酒內一巨魚杯棠不卽飲楊公乃誦曰文章謾道能吞鳳杯酒  
何曾解喫魚今日梓州張社會應須遭這老尙書棠答曰未向燕  
臺逢厚禮幸因社會接餘歡一魚喫了終無恨鵲化成鵬也不難  
初棠與馮戡爭先棠所頡頏及第後戡與詩曰桃花浪裏成龍去  
竹葉山頭退鷁飛棠戡爲友甚善焉柳每於東川席上狂縱日甚  
千忤楊公詩曰莫言名位未相儔風月何曾阻獻酬前輩不須輕  
後輩靖安今日在衡州靖安李宗閔尙書與楊公中外昆弟況有  
朗陵之分東川益怒爲書讓其座主高錡侍郎曰柳棠者凶悖離  
豎識者惡之狡過仲容才非夫子且膺門之貴豈宜有此生平小  
宗伯曰某濫司文柄以副懸旄夙夜兢惶恐遭訕謗是以搜求俊

彥龔輔聰明不敢蔽才與棠及第東川又書曰昔周公建伯禽以  
戒成王也昌邑殺王式而怨霍光乎豈不由師傅之情爾興亡之  
道孔子先推德行然後文學焉吾師垂訓千古不易前書曰不敢  
蔽才何必一柳棠矣若以篇章取之甯失于何植王條也高公又  
復書曰唐堯之聖也不致丹朱之賢宣尼之明也不免仲由之害  
如其可化安有墜典伊祁九子盡可等于黃唐門人三千悉能繼  
於顏閔若棠者自求瑕玷難以磨滅其所忤黷尊威亦于謬舉之  
過也棠聞二君交讓不任憂惕又不敢違申卑謝遂之劍州王使  
君使君者善畫松竹狗兔以十五侯而四郡守棠至聯夕而飲王  
君辭曰某以衰朽恐乖去就小男忝趨文場不知許容侍座否老  
夫暫歸憩歇焉王氏之子泊醉極易之甚棠呵之曰公稱舉人與  
棠分有前後畫師之子安得無禮于先輩乎王氏乃自去其道服  
空戴黃葛巾謂棠曰我大似賢尊尊師幸不喧酬耳棠轉益怒叱  
咤而散柳生雖登科第始參越嶲軍事而天喪且勘海高公三榜  
一百二十人多半人得路若柳棠者誠  
李商隱舊書文苑傳李  
果恩門舉主善平裴公曰人不易知也  
李商隱商隱字義山懷  
州河內人曾祖叔恆祖補父嗣商隱幼能爲文令狐楚鎮河陽以  
所業文干之年纔及弱冠楚以其少俊深禮之令與諸子游楚鎮

天平汴州從爲巡官歲給資養令隨計上都開成二年方登進士  
第商隱上崔華州書愚生二十五年矣五年讀經書七年弄筆  
硯凡爲進士者五年始爲故買相國所憎明年病不試又明年復  
爲今崔宣州所不取居五年閒未曾衣袖衣章謁人不知按賈  
相謂賈餗崔宣州謂崔鄆自太和七年賈餗知舉至開成二年凡  
五歲餗時已誅死故義山顯言之又與陶進士書僕自大和七  
年後雖尙應舉除吉凶書及人憑倩作牋啟銘表之外不復作文  
文尙不復作況復能學人行卷耶時獨令狐補闕最相厚歲歲爲  
寫出舊文納貢院既得引試會故人夏口主舉人時素重令狐賢  
明一日見之于朝揖曰八郎之交誰最善綢緞直進曰李商隱者三  
道而退亦不爲薦託之詞故夏口與及第然此時實于文章懈退  
不復細意經營述作乃命合爲夏口門人之一數耳又上令狐  
相公狀云今月二十四日禮部放榜某微倖成名不任感慶某材  
非秀異文謝清華幸忝科名皆由獎飾昔馬融立學不聞薦彼門  
人孔光當權詎肯言其弟子豈若四丈屈於公道申以私恩培樹  
孤株鵞鵬短羽自卵而翼皆出于生成碎首糜軀莫知其報效瞻  
望旌棨無任戴恩隕涕之至按義山成名皆令狐楚所薦故上  
狀如此又有及第東歸次鴈上却寄同年詩曰芳桂當年各一

枝行期未分壓春期江魚朔雁長相憶秦樹詩雲自不知下苑經  
過勞想像東門送餞又差池潮陵柳色無離恨莫枉長條贈所思

韓瞻唐詩紀事韓偓父昭李義山同年也義山有為韓同年

梓潼留別畏之員外同年詩寄惺惺韓同年詩

詩迎寄韓魯州同年詩寄惺惺韓同年詩

孤雲之韋潘李商隱有十字水期韋鄭憲見寶曆二年注李

武昌詩潘侍御同年不至詩鄭憲見寶曆二年注李

曹獨孤李四同年郭植見寶曆二年注李商隱有與同年李

詩鄭或即鄭憲二年注李定言定言曲水閒話戲作

牛蒨舊書牛僧孺傳孺子蒨字表齡開成二年登進士第

南府協律郎皆以文行鄭茂謚舊書鄭餘慶傳餘慶孫茂謚

登進士第不藉公勢鄭茂謚國諱改茂休開成二年登進士

第曹確舊書本傳確字剛中河南人父景伯確開成二年登

進士第按李商隱寄四門同年詩曹疑即曹確

楊鴻承樂大典引宜春志開楊戴一作戴子司業次子戴進士及第長

子三史登科時號楊家三喜新書楊凝傳文宗向儒術以宰相  
鄭覃兼國子祭酒俄以敬之代未幾兼太常少卿是日二子戎戴  
登科時號楊家三喜唐闕史祭酒楊尙書敬之任江西觀察使  
載江西應科時成均長年天性尤切時已秋暮忽夢新榜四十進  
士歷歷可數寓目及半鍾陵在焉其鄰則姓濮陽而名不可辨既  
寤大喜訪於詞場則云有濮陽愿者爲文甚高且有聲譽時搜訪  
草澤方急色目難在選中遂尋其居則曰閩人未至京國楊公誠  
其子令聽之俟其到京與其往來以符斯夢一日楊公祖客滿上  
客未至閒休于逆旅舍有秣馬伺僕如自遠來者試命詢之乃貢  
士侯所自曰閩問其姓曰濮陽審其名曰愿楊公曰吁斯天啟也  
安有既夢于彼復遇於此哉亟命相見濮陽邊巡不得讓執所業  
以進始閱其人眉宇清秀次與之語詞氣安詳終閱其文體埋精  
奧問其所抵則曰今將僦居楊公曰不然盡驅所行置于庠序命  
江西寅夕與之同處楊公朝廷舊德爲文有凌轢韓柳意是後大  
稱濮陽藝學于公卿間人情翕然謂升第必矣試期有日因食麪  
之寒者一夕腹鼓而卒楊公惋惜嗟駭搜囊甚貧鄉路且遠力爲  
營辦歸骨閩中仍謂江西曰我夢無徵汝之一名亦不可保及第  
甲乙則江西中選而同年無氏濮陽者固不可論之夏首將闕送

於天官氏時相有言前輩重族望輕官職今則不然竹林七賢曰  
陳留阮籍沛國劉伶河間向秀得以言高士矣是歲慈恩寺榜因  
以望題題畢楊公閒步塔下仰視之則曰宏農楊載濮陽吳當恍  
然如夢中所覩按開成元年至三年皆進士四十人唐闕史言  
新榜四十進士事在此三年也鄭覃自大和九年十月判國子祭  
酒至開成四年五月始罷相敬之以何年拜祭酒事無可考據石  
經未所列諸臣姓名開成二年十月有國子司業楊敬之敬之於  
大和九年七月貶為連州刺史其起為司業當在開成二年之春  
從撫言為是又按新書楊凝傳敬之初客濮上見閬人濮陽原  
閱其文大推挹徧語公卿閒會愿死敬之為敘墓唐闕史以為敬  
之任江西觀察使時事吳當見上

諸科三人 楊戎 三史登科  
見撫言

知貢舉 禮部侍郎高鋡

李肱霓裳羽衣曲詩曰開元太平時萬國賀豐歲梨園獻舊曲玉



座流新製鳳管遞參差霞衣競搖曳醺罷水殿空蟄餘春草細蓬

壺事已久仙樂功無替詎肯聽遺音聖明知善繼文苑英華  
雲溪友議

三年戊午

二月兩軍使狀稱請準大和元年五月十七日以前敕文官階至

品便許用蔭與子孫補兩館生出身敕旨神策大將軍用蔭補兩

館生宜準左右金吾大將軍例處分唐會要

五月丁巳朔敕禮部貢院進士舉人歲限放三十人及第舊書本  
紀按

冊府元龜時禮部  
奏請故有是敕

十二月南部新書  
作癸卯敕諸道應薦萬言童子等朝廷設科取士四日

至多有官者合詣吏曹未仕者即歸禮部文詞學藝各盡其長此外更或延引則爲允長起今以後不得更有聞薦俾由正路禁絕

倖門

冊府元龜

唐會要

案原注雖有

進士四十人

文苑英華辨證引登科記開成三年試霓裳羽衣曲賦任用韻盧氏雜說是年試太學創置石經詩

撫言開成二年高侍郎錯主文恩賜詩題曰霓裳羽衣曲三年復

前詩題爲賦題太學石經詩並辭入貢院日面賜唐詩紀事文

宗嘗謂左右曰若不甲夜視事乙夜觀書則何以爲人君耶每試

進士多自出題目及所司進所試披覽吟詠終日忘倦是年胡

洪樊京等第裴思謙狀元撫言高錯第一榜裴思謙以仇士

罷舉見撫言裴思謙狀元良關節取狀元錯庭譴之思謙回顧厲聲

曰明年打脊取狀頭第二年錯知舉誠門下不得受書題思謙自

攜士良一絨入貢院既而易紫衣趨至階下白曰軍容有狀薦裴

思謙秀才錯接之書中與求巍峩錯曰狀元已有人此外可副軍

容意旨思謙曰卑吏奉軍容處分裴秀才非狀元請侍郎不放錯

俛首良久曰然則略要見裴學士思謙曰卑吏便是也錯不得已遂從之思謙及第後宿平康里賦詩云銀釭斜背解明璫小語低聲賀玉郎從此不知蘭麝貴夜來新惹桂枝香

按此為高錯第三榜據言以為第二年誤

三年登第李滂永樂大典引閩中記李滂字注善閩縣人開成三年及第

永樂大典引閩中記蕭膺字次元侯官人與滂同年是歲閩中四人登科朝士詩云幾人天上爭仙桂一歲江南折四枝

按瀋熙三山志蕭膺終大理司直歸仁晦永樂大典引蘇州府志沈朗見文苑

陳嘏英華見文苑

### 諸科七人

博學宏詞科孫穀因話錄開成三年余忝列第考官刑部員外郎紇干公崔相羣門生也紇干及第時于崔

相新昌宅小廳中集見座主及為考官之前假居崔相故第亦于此廳見門生焉是年科目八人敕頭孫河南穀先於雁門公為丞

紇于封雁門公 按丁居晦重脩承旨學士壁記云  
孫穀會昌三年自左拾遺充翰林學士疑穀當作穀 趙璘按因  
爲璘所撰是于此年登科惟唐語林引作書  
判考官則科目八人合宏詞拔萃言之也

知貢舉 禮部侍郎高鋹 舊書本紀凡掌貢部三年每歲登第者

十人其數過多則乖精選官途填委要室其源宜改每年限放三  
十人如不登其數亦聽然錯選擢雖多頗得實才抑豪華擢孤進  
至今稱之 按容齋續筆云鋹仇凶璫之意以裴思謙爲舉首史  
謂頗得才實恐未盡然 據言高煥者鋹之子也久舉不第或謔  
之曰一百二十個蜣蜋推一個屎塊不上蓋高氏三榜每榜四十  
人 舊書本紀五月癸未以吏部侍郎高鋹爲鄂岳觀察使吏部  
郎禮部  
之說

沈期霓裳羽衣曲賦曰儒有悅聲教以自助觀至樂於實錄如元  
宗之聖代制霓裳之麗曲豈惟象德以飾喜將以變風而易俗原

夫鼎湖道洽薰絃思深惡繁聲以惑志思雅樂以理心調乎琴瑟之閒無非故曲奏自雲韶之下盡是凡音乃制神仙之妙響是知鄭衛之難侵與鈞天之潛契冀瑤池之可尋時也廷臣並觀樂器斯設絃匏由是而居次簫管因之而在列假宮商之具舉成曲度之妙絕變虛徐之歌態始訝遏雲振飄飄之舞容忽驚迴雪旣應絃而合雅亦投袂而赴節已而樂白宸慮備于太常首瓊殿之法曲改梨園之樂章配八佾以稱美旌九功而無荒盡文物之全盛致眾庶之歡康是知和平有因雅正無比旣容與而在目復周旋而盈耳融融然節奏合度傚傚然周旋有旨逸調奏兮旣徹嘉名

播兮未已今皇帝奕葉繼代明德是資開元之聖運復啟羽衣之  
餘響留遺觀兩階之舞千既柔殊俗覩三清之仙樂復播明時下  
臣就列以貢賦喜聞韶而在茲

文苑  
英華

陳嘏霓裳羽衣曲賦曰我元宗心崇至道化叶無爲制神仙之妙  
曲作歌舞之新規模以衣裳盡法上清之物序其行綴乃從中禁  
而施原夫采金石之清音象蓬壺之勝槩俾樂工以交泰儼彩童  
而相對瀉灑合節初聞六律之和搖曳動容宛似羣仙之態爾其  
絳節迴互霞袂飄颺或眄盼以不動或輕盈而欲翔八風韻肅清  
音思長引洞雲於丹墀之下颯天風於紫殿之旁懿乎樂治人和

曲含仙意雜管絃之繁節澹君臣之元思清淒滿聽無非冲漠之音颯沓盈庭盡是雲霄之事吾君所以凝清慮慕元風無更舊曲用纂成功既心將道合乃樂與仙同悅康平于有截延聖壽於無窮美矣哉調則冲虛音惟雅正于以臻逍遙之境于以暢恬和之性遂使俗以廉平人無分競見天地之所合致朝廷之清淨小臣并而歌曰聖功成兮至樂脩大道叶兮皇風流願揣侔于竹帛贊

元化于鴻休

文苑英華

四年己未

十月敕每年明經及第宜更與十人

冊府元龜  
唐會要

進士三十人

是年溫岐等第罷舉見摭言 按溫庭筠本名岐庭

薦名居其副又見感

崔口狀元 芝田錄唐崔蠡知制誥日丁

舊陳情五十韻詩注

太夫人憂居東都里第時向清苦儉

裔四方寄遺茶藥而已不納金帛故朝家不異寒素雖名姬愛子

服無輕細崔公卜兆有期居一日宗門士人有謁請于蠡者闢吏

拒之告曰公居喪未嘗見他客乃曰某崔家宗門子弟又知尊夫

人有卜遠之日願一見公公聞之延入與語直云知公居搢紳間

清且約太夫人喪事所須不能無費某以辱孫姪之行又且贊用

稍給願以錢三百萬濟公大事蠡見其慷慨深奇之但嘉納其意

終卻而不受此人調舉久不第亦頗有屈聲蠡未幾服闋拜尚書

右丞知禮部貢舉此人就試蠡第之爲狀元取頗驚異謂蠡之主

文以公道取士崔之獻藝由善價成名一第則可矣首冠未爲得

以是人有詰于蠡者答曰崔某固是及第人但狀頭是某私恩所

致耳具以前事告之于 曹汾 舊書曹確傳弟汾亦進士登第

是中外始服名益重焉 永樂大典引池州府志汾字子晉

銅陵人開成四年登進士第 古刻叢鈔曹汾開成四年崔蠡下

進士後爲中書舍人戶部侍郎忠武軍節度使實丞相確之弟



唐詩紀事汾字道

謙開成四年登第

田章

唐詩紀事田章登  
開成四年進士第

諸科二人

博學宏詞科

張不疑

博異記南陽張不疑開成  
四年宏詞登科授祕書

知貢舉

中書舍人崔蠡

舊書崔甯傳崔蠡開成初以本官知制  
誥明年正拜舍人三年權知禮部貢舉

四年拜禮部侍郎

李商隱為濮陽公陳許舉人自代狀

崔蠡既還綸閣復掌禮闈人驚吞鳳之才士切登龍之望

五年

庚申

正月四日辛巳文宗崩

舊書本紀唐語林文宗皇帝試進士  
多自出題目及所司試覽之終日忘倦

辛卯武宗卽位

通鑑

進士三十人

唐詩紀事開成五年樂和侍郎下三十一人及第時  
在諒闇率皆雅飲趙嘏以詩賀曰天上高高月桂叢

分明三十一枝風滿懷春色向人動遮路亂花迎馬紅鶴馭尙飄雲雨外蘭亭不在管絃中居然自是前賢事何必青樓倚翠空按

此詩則是年進士當三十一人

是年蘇俊等第罷舉見摭言

李從實元

喻彪唐才子傳喻

成五年李從實榜進士

唐詩紀事彪卒于烏程令

引嚴州府新定志喻彪其先南方人開成中登進士第

送喻彪及第歸陽羨詩曰姓字載科名無過子最榮宗中初及第

江上觀難兄月向波濤沒茶連洞壑生石橋高思在且爲看東坑

李蔚舊書忠義傳李景讓開成四年入爲禮部侍郎五年選貢

隴西人祖上公父景素蔚開成

末進士擢第釋褐襄陽從事

楊知退上

沈樞永樂大典引

成五年侍郎李景讓知舉沈樞楊假登第

元和姓纂沈既濟生

傳師宏師傳師生樞詢樞進士諫議大夫商州防禦使詢進士浙

東觀察澤

路節度

楊假

舊書楊收傳假字

薛航

卓異記載座主見門

航則航爲景讓門

生于此年登第

聖斗記号

卷二十一

五

諸科十八人

知貢舉

禮部侍郎李景讓

南部新書李景讓典貢年有李復言者納省卷有纂異一部十卷勝出日

事非經濟動涉虛妄其所納仰貢院驅使官卻還復言因此罷舉

登科記考卷二十二

大興徐松

唐武宗至道昭肅孝皇帝

會昌元年

辛酉

正月辛巳有事南郊大赦改元

新書本紀 是年赦文未見考傳 宗南郊赦文云準會昌中勅家有

進士及第方免差役其餘只庇

一身楊襲復宮

關後上執政書亦引之疑為此

年赦書節文

進士三十人

崔峴 唐才子傳薛逢蒲州人會昌元年

崔峴

狀元 薛逢 崔峴榜第二人進士調萬年尉

舊書文苑傳薛逢字陶臣河東人父倚逢會昌初進士逢文詞俊拔論議激切自負經畫之略久之不達應進士時與彭城劉瑑尤相善而瑑詞藝不迨逢逢每侮之至大中末瑑揚歷禁署逢忿不得意自是相怨俄而瑑知政事或薦逢知制誥瑑奏曰先朝立制兩省官給事中舍人除拜須先歷州縣逢未嘗治郡宜先試之乃出為巴州刺史既而沈詢楊收王鐸由學士相繼為將相皆同年

進士而逢文藝最優楊收作相後逢有詩云須知金印朝天客同  
是沙隄避路人威鳳偶時皆瑞聖潛龍無水謾通神收聞大街之  
又出爲蓬州刺史收罷相入爲太常少卿給事中王鐸作相逢又  
有詩云昨日鴻毛萬鈞重今朝山岳一塵輕鐸又怨之按逢有上  
崔相公啟云某白開成建號則執藝求知迹忝及門名叨中選或  
緣情序美移時而獎導再三或體物達誠一席而稱揚數四遂使  
聲華振耀道動輩流桂折高枝名登上第疑崔爲鄉賦主也 據  
言薛監晚年厄于宦途當策羸赴朝值新進士榜下綴行而出時  
進士團司所出輩數十人見逢行李蕭條前導曰迴避新郎君逢  
蹶然卽遣一介語之曰報道莫貧相阿婆三五少年時也曾東塗  
西抹 沈詢 永樂大典引蘇州府志沈詢會昌元年登第 舊書  
來 沈詢 永樂大典引蘇州府志楊收會昌元年登第 舊書本傳

楊收 永樂大典引蘇州府志楊收會昌元年登第 舊書本傳  
收字藏之同州馮翊人父遺直初遺直娶元氏生發假繼  
室長孫氏生收嚴收長六尺二寸廣頤深頤疏眉秀目寡言笑方  
于事上博聞強記初家寄潞陽甚貧收七歲喪父長孫夫人知書  
親自教授十三略通諸經義善于文詠吳人呼爲神童兄發戲令  
詠蛙卽曰兔邊分玉樹龍底耀銅儀會當同鼓吹不復問官私又

令詠筆仍賦鑽字卽曰雖非囊中物何堅不可鑽一朝操政事定  
使冠三端每良辰美景吳人造門觀神童請爲詩什觀者壓敗其  
藩收嘲曰爾幸無贏角何用觸吾藩若是升堂者還應自得門收  
以母奉佛幼不食肉母亦勸之曰俟爾登進士第可肉食也收以  
仲兄假未登第久之不從鄉賦開成末假擢第是冬收之長安明  
年一舉登第年纔二十六北夢瑣言唐相國楊收江州人祖爲  
本州都押衙父遺直爲蘭溪縣主簿生四子發假收嚴皆登進士  
第收卽大拜發以下皆至丞郎發以春爲義其房子以祝以乘爲  
名假以夏爲義其房子以吸爲名收以秋爲義其房子以鉅鑄爲  
鑑爲名嚴以冬爲義其房子以注涉洞爲名盡有文學登高第號  
曰修行楊家與靖王鐸舊書王播傳播弟炎炎子李嶺南楚  
恭諸楊比於華盛王鐸鐸字昭範會昌初進士第李嶺新開  
李嶺司空初名虬將赴舉夢名上添一畫成虱字及寤曰虱者嶺  
也乃改名果登科唐語林李嶺王鐸進士同年也玉泉子因話  
錄又引李嶺永樂大典引蘇州府志談銖會昌元年登  
與沈詢同年談銖第唐詩紀事銖吳人登會昌進士第  
康口孫樵集唐故倉部郎中康公墓誌銘序公姓康氏會稽人自  
宣城來長安三舉進士登上第是歲會昌元年也其年冬得

博學宏詞授  
祕書省正字

謝防 永樂大典引宜春志會  
昌元年謝防登進士第

諸科十六人

博學宏詞科

康口 見上

知貢舉

禮部侍郎柳璟

見唐語林 永樂大典引蘇州府志同  
丁居晦重修承旨學士壁記云柳璟

開成二年七月十九日自庫部員外郎知制誥充翰林學士二年  
四月十四日加庫部郎中知制誥二月九日遷中書舍人五年十

月改禮部  
侍郎出院

二年

壬戌

四月戊寅受冊尊號大赦制曰涉歷吏事蓋崇理本自因近制卻  
啟倖門大和九年十二月十八日勅進士初合格並令授諸州府

參軍及緊縣簿尉未經兩考不許奏職蓋以科第之人必宏理化  
黎元之弊欲使諳詳非惟可塞倖門實亦用懲澆俗近者諸州長  
吏漸不遵承雖注縣僚多縻使職苟從知己不顧蒸人流例寢成  
侵費不少況去年選格更改新條許本郡奏官便當府充職一人  
從事兩請料錢虛占吏曹正員不親本任公事其進士宜至合選  
年諸道依資奏授州縣官卽不在兼職之限

冊府元龜

進士三十人

是年韓宇等第罷舉見摭言

鄭顯

狀元

舊書鄭綱傳綱子祇

語林鄭顯宰相子狀元及第有聲名

張潛

第二人及第見

鄭從謐

舊書鄭餘慶

謐字正求會昌二年登進士第

鄭畋

舊書本傳畋字台文榮陽人曾祖鄰祖穆父亞畋年十八登進士第釋褐汴宋節度



推官改因授官自陳曰臣十八進士及第二十二書判登科又自  
陳曰臣會昌二年進士及第大中首歲書判登科鄭餘慶傳鄭  
改與從諱宗人鄭誠字申虞開縣人歷刑部郎中郭安鄧三州  
同年登進士鄭誠字申虞開縣人歷刑部郎中郭安鄧三州  
刺史永樂大典引閩中記作誠按郭京見寶歷二年注宋震永樂大典引瑞  
誠乃鄭谷從叔當以三山志爲正陽志宋震高安懷舊鄉萱村里人會昌二年擢璟下進士  
又引袁州府志宋震齊邱之祖登會昌二年進士第崔樞  
唐語林崔樞應進士客居汴半歲與海賈同止其人得疾既篤謂  
崔曰荷君見顧不以外夷見忽今疾勢不起番人重土殯脫歿君  
能始終之否崔許之曰某有一珠價萬緡得之能蹈火赴水實至  
寶也敢以奉君崔受之曰吾一進士巡州邑以自給奈何忽蓄異  
寶伺無人置於樞中瘞於阡陌後一年崔游可亳州聞番人有自  
南來尋故夫并勘珠所在陳於公府且言珠必崔秀才所有也乃  
於毫來追捕崔曰儻奄多不爲盜所發珠必無他遂剖棺得其珠  
汴帥王彥謨奇其節欲命爲幕崔不肯明年登第竟主文柄有清  
名按王彥謨當卽王彥威之誤參考彥威傳及方鎮表彥威於  
開成五年代李紳任河南節度使會昌中人爲兵部侍郎則樞登

第當在會昌元二年今載此俟考 宰相世

系表清河大房有祕書監崔樞疑卽其人

諸科十三人 西陽雜俎柳璟知舉年有國子監明經失姓名畫夢

經語之其人笑曰君來春及第明經因訪鄰房鄉曲五六人或言  
得者明經迷邀入長興里畢羅店常所過處店外有大競驚曰差  
矣夢覺遽呼鄰房數人語其夢忽見長興店子入門曰郎君與客  
食畢羅計二斤何不計值而去也明經大駭解衣質之且隨驗所  
夢相其榻器皆如夢中乃謂店主曰我與客俱夢中至是客豈食  
乎店主驚曰初怪客前畢羅悉完疑其嫌置蒜也來春明經與鄰  
房三人夢中所  
訪者悉上第

知貢舉 禮部侍郎柳璟 舊書柳登傳璟武宗朝轉禮部侍郎再  
司貢籍時號得人新書會昌二年再主

貢部坐其子招  
萌貶信州司馬

三年癸亥

正月勅禮部所放進士及第人數自今後但據才堪卽與不要限  
人數每年止于十人五人總得冊府元龜 唐會要作  
每年止于二十五人

是月宰臣李德裕等奏舊例進士未放榜前禮部侍郎遍到宰相  
私第先呈及第人名謂之呈榜比聞多有改換頗致流言宰相稍  
有寄情有司固無畏忌取士之濫莫不繇斯將務責成在于不撓  
旣無取舍豈必預知臣等商量今年便任有司放榜更不得先呈  
臣等仍向後便爲定例如有固違御史糾舉奏者其時有勅重試  
進士因栖靈塔災且止冊府元龜

十二月二十二日中書覆奏奉宣旨不欲令及第進士呼有司爲

座主趨附其門兼題名局席等條疏進來者伏以國家設文學之科求貞正之士所宜行敦風俗義本君親然後升于朝廷必爲國器豈可懷賞拔之私惠忘教化之根源自謂門生遂成膠固所以時風寢薄臣節何施樹黨背公靡不由此臣等商量今日已後進士及第任一度參見有司向後不得聚集參謁及於有司宅置宴其曲江大會朝官及題名局席並望勒停緣初獲美名實皆少雋既遇春節難阻良游三五人自爲宴樂並無所禁唯不得聚集同年進士廣爲宴會仍委御史臺察訪問奏謹具如前奉勅宜依

唐詩

紀事 撫言進士題名自神龍之後過關宴後率皆期集于慈恩塔下會昌三年贊皇公爲上相有此奏于是向之題名各盡削去

蓋贊皇公不由科第故設法以排之泊公失意悉復舊態玉泉  
子李德裕以己非由科第恆嫉進士舉者及居相位貴要束手德  
裕嘗爲藩府從事日同院李評事以詞科進適與德裕官同時有  
舉子投文軸誤與德裕舉子既誤復請之曰某文軸當與及第李  
評事非與公也由是德裕志在排斥

進士二十二人

是年試風不鳴條詩見文苑英華

盧肇

狀元

典引瑞陽志盧肇字子發望蔡上鄉人會昌三年進士第一  
言盧吉州肇開成中就江西解試爲試官末送肇有啟謝曰巨鼇  
展首冠蓬山試官謂之曰昨某限以人數擠排雖獲申展深慚  
名第奉浼焉得翻有首冠蓬山之謂肇曰必知明公垂問大凡頑  
石處上巨鼇戴之豈非首冠耶一座聞之大笑又曰盧肇初舉  
先達或問所來肇曰某袁民也或曰袁州出舉人耶肇曰袁州出  
舉人亦猶沅江出龜甲九肋者蓋稀矣又曰盧肇袁州宜春人  
與同郡黃頗齊名頗富于產肇幼貧乏與頗赴舉同日遵路郡牧  
於離亭饌頗而已時樂作酒酣肇策蹇郵亭側而過出郭十餘里  
駐程俟頗爲侶明年肇狀元及第而歸刺史以下接之大慚悲會

延肇看競渡於席上賦詩曰何道是龍君不信果然銜得錦標歸  
北夢瑣言唐相國李太尉德裕抑退浮薄獎拔孤寒於時朝貴  
朋黨掌武破之由是結怨而絕于附會門無賓客唯進士盧肇宜  
存人有奇才每謁見許脫衫從容舊例禮部放榜先稟朝廷恐有  
親屬言薦會昌三年王相國起知舉先白掌武乃曰某不薦人然  
奉賀今年榜中得一狀元也起未喻其旨復遣親吏于相門偵問  
吏曰相公于舉子中獨有盧肇久接從容起曰果在此也其年盧  
肇爲狀頭及第時論曰盧雖受知于掌武無妨主司之公道也  
肇上王僕射書云伏以文物之勢業乎將頽聖上一旦惕然思高  
祖太宗經天緯地之勤基美于千萬世其術祇在乎人文之中人  
文之中則不踰擇士之賢否也故度天下之德莫重于僕射計天  
下之學莫深于僕射觀天下文章莫富于僕射兼是三美然後詢  
于廟堂之上使咨于僕射俯而蒞之其實不啻若移太山之重以  
鎮之也夫如是則預于貢士者何敢造次而進哉某本孤淺生江  
湖間自知書已來竊有微尚竊與索幽久而不疲垂二十年以窮  
苦自勵伏念當太平之辰不預兵役農桑之務得盡其志則將欲  
發其身大其家盡心于明時以竟其歲也乃志望士林之中及來  
輦下再試皆黜觀望於時而揆于事至于得之者未必盡賢失之

者未必盡愚意謂隨天下貢士且進且退可以無咎今乃不意遇  
聖君賢相以僕射爲日月照臨多士莫不屏氣攝息人之自咎若  
抱罪戾其在王門公族少讀文學尙爲憂惕啟僕射之德振于文  
機其必得天下苦心之人而進之然後優游盛明爲皋爲伊以茂  
生植者也不然豈至于逾二十載復匡之乎是知天啟德于僕  
射在此時也某于此時若不得循牆以窺則是終身無竊望之分  
也敢布愚拙伏惟特以文之光明而俯燭之幸甚幸甚并獻拙賦  
一首塵冒尊嚴無任慙慙之至 盧肇進海潮賦狀臣于會昌三  
年應進士舉故山西節度使同中書門下平章事王起擢臣爲進  
士狀頭 盧肇有別宜春赴舉詩曰秋天草木正蕭疏西望秦關  
別舊居筵上芳樽今日酒篋中黃卷古人書辭鄉且伴銜蘆雁入  
海終爲戴角魚長短九霄飛直上不教毛羽落空虛又有成名後  
作詩曰桂在蟾宮不可攀功成業熟也何 丁稜 撫言稜字子威  
難今朝折得東歸去共與鄉閭年少看 玉泉子李德裕  
裕抑退浮薄門無賓客唯進士盧肇宜春人有奇才德裕嘗左宦  
宜陽肇投以文卷由此見知後隨計京師每謁見待以優禮舊例  
禮部放榜先呈宰相會昌三年王起知舉問德裕所欲答曰安用  
問所欲爲如盧肇丁稜姚鵠豈不可與及第耶起于是依其次而

放又曰盧肇丁稜之及第也先是放榜訖則須謁宰相其導啟

詞語一出榜元者俯仰疾徐尤宜精審時肇首冠有故不至次乃

稜也稜口吃又形體小陋迨引見即俛而致詞意本言稜等登科

而稜頽然發汗鞠躬移時乃曰稜等登稜等登竟不能發其後語

而罷左右皆笑翌日有人笑之曰聞君善筆可得聞稜黃頗唐

曰無之友人曰昨日間稜等登稜等登非筆聲也耶黃頗語

林盧肇黃頗同游李衛公門下王起再知貢舉訪二人之能或曰

盧有文學黃頗能詩起遂以盧為狀頭黃第三人永樂大典引宜

春志黃頗字無頗宜春人與盧肇相上下每見肇所為文輒

不取會昌三年擢進士科頗自升等第後十三年始中選姚

鵠唐才子傳鵠字居雲會昌三年高退之據言退之字遵聖和周

劣始不敢有叨竊之望策試之後遂歸盤匡山居不孟球據言

期一日進士團遣人齋榜扣關相報方知忝幸矣孟球據言

廷劉耕據言耕裴翻據言翻樊驤據言驤崔軒據言軒

玉劉耕字遵益裴翻字雲章樊驤字彥龍崔軒字鳴岡

刪希逸據言希逸林滋後象閩縣人歷金部郎中後王鐸辟

字大隱



為判官 永樂大典引開中記作字厚象 按永樂大典又引他

州府志林滋字德潤登會昌三年進士第當別是一人亦非此年

進士 李宣古 唐才子傳李宣古字垂後澧陽人會昌三年盧肇

侯考 榜進士又試中宏詞 雲溪友議李宣古會昌三

年王起侍 張道符 撫言道符 邱上卿 撫言上卿 石貫 撫言

郎下上第 字夢錫 邱上卿 字陪之 石貫 撫言

總 李潛 撫言潛 孟 撫言二字處中 南部新書孟長慶

之 李潛 字德隱 孟 三年王起放及第至中書為時相所退

其年太和公主和戎至會昌三年起自左揆再知貢

以龍鍾就試而成名是歲石雄入塞公主自西蕃還京 唐思言

撫言思言 尤牢 撫言作左牢 王甚夷 撫言甚夷 金厚載 撫

字子文 牢字德膠 王甚夷 字無黨 金厚載 言

厚載字 化光 牢字德膠 王甚夷 字無黨 金厚載 言

諸科十四人

知貢舉 吏部尚書王起 舊書王播傳王起會昌元年徵拜吏部

尚書判太常卿事三年權知禮部貢舉

明年正月拜左僕射復知貢舉起前後四典貢部所選皆當代詞藝之士有名於時人賞其精鑒徇公也其年秋出爲興元尹謫言周墀任華州刺史武宗會昌三年王起僕射再主文柄墀以詩寄賀并序曰僕射十一叔以文學德行當代推高在長慶之間春闈主貢采摭孤進至今稱之近者朝廷以文柄重難將則浮華詳明典實繇是復爲前務三領貢籍迄今二十二年于茲亦摛紳儒林罕有如此之盛況新榜既至眾口稱公墀泰沐深恩喜陪諸彥因成七言四韻詩一首輒敢寄獻用導下情兼呈新及第進士詩曰文場三化魯儒生三十餘年振重名曾忝木雞誇羽翼又陪金馬入蓬瀛雖欣月桂居先折更羨春蘭最後榮欲到龍門看風水關防不許暫離營起答詩曰貢院離來二十霜誰知更忝主文場揚策縱能穿舊的桂枝何必愛新香九重每憶同仙禁六義初吟得夜光莫道相知不相見蓮峯之下欲徵黃時王起門生一榜二十二人和周墀詩盧肇詩曰嵩高降德爲時生洪筆三題造化名鳳詔佇歸專北極驪珠搜得盡東瀛衰衣已換金章貴禁掖曾隨玉樹榮明日定知同相印青衿新列柳間營丁稜詩曰公心獨立副天心三轄春闈冠古今蘭署門生皆入室蓮峯太守別知音同升翰苑時名重通歷朝端主意深新有受恩江海客坐聽朝夕繼爲

霖黃頗詩曰二十二年文教主三千上士滿皇州獨陪宣父蓬瀛  
奏方接顏生魯衛游多羨龍門齊變化屢看雞樹第名流升堂何  
處最榮美朱紫環尊幾獻酬姚鵠詩曰三年竭力向春闈塞斷浮  
華路岐盛選棟梁稱昔日平均雨露及明時登龍舊美無斜徑  
折桂新榮盡直枝莫道只陪金馬貴相期更在鳳凰池高退之詩  
曰昔年桃李已滋榮今日蘭蓀又發生葑菲未時將有道權衡分  
處且無情叨陪鴛鴦朝天客共作門闌出谷鶯何事感恩偏覺重  
忽聞金榜叩柴荆孟球詩曰當年門下化龍成今日餘波進後生  
仙籍共知推麗則禁垣同得薦嘉名桃谿早茂誇新萼菊圃初開  
耀晚英誰料羽毛方出谷許敦濟和九臯鳴劉耕詩曰孔門頻建  
鑄顏功紫綬青衿感激同一簣勤勞成太華三年恩德重維嵩楊  
隨前輩穿皆中桂許平人折欲空慚和周郎應見顧感知大造意  
無窮裴翻詩曰常將公道選羣生猶被春闈屈重名文柄久持殊  
歲紀恩門三啟動宸幄雲霄幸接鸞鸞盛變化欣同草木榮乍得  
陽和如細柳參差長近亞夫營樊驤詩曰滿朝簪紱半門生又見  
新書甲乙名孤進自今開道路至公依舊振宸幄雲飛太華清詞  
著花發長安白屋榮忝受恩光同上客唯將報德是經營崔軒詩  
曰滿朝朱紫半門生新榜勞人又得名國器舊知收片玉朝宗轉

覺集登瀛同升翰苑三年美繼入花源九族榮其仰蓮峯聽雪唱  
欲廣仙曲意恠營劇希逸詩曰一振聲華入紫微三開秦鏡照春  
闈龍門舊列金章貴鶯谷新遷碧落飛感恩感風雷皆變化詩栽錦  
繡借光輝誰知散質多榮忝鶯鶯清塵接布衣林滋詩曰龍門一  
變荷生成況復三傳不朽名美譽早聞喧北闕頽波今見走東瀛  
驚行既接參差影雞樹仍同次第榮從此青衿與朱紫升堂侍宴  
更何營李宣古詩曰恩光忽逐曉春生金榜前頭忝姓名三感至  
公禪造化重揚文德振宸瀛作爲霖雨增相賀半在雲霄覺更榮  
何處新詩添照灼碧蓮峯下柳開營張道符詩曰三開文鏡繼芳  
聲暗指雲霄接去程曾歷洪波先得路早升清禁共垂名蓮峯對  
處朱輪黃金榜傳時玉韻成更許下才聽白雪一枝今過卻說榮  
邱上卿詩曰常將公道選諸生不是鴛鴻不得名天上宴迴聯步  
武禁中麻出滿寰囂簪裾盡過前賢貴門館仍叨後學榮看著鳳  
池相繼入都堂那肯滯關營石貫詩曰重德由來爲國生五朝清  
顯冠公卿風波久竹濟川樞羽翼三遷出谷鶯絳帳青衿同日貴  
春蘭秋菊異時榮孔門弟子皆賢哲誰料窮儒忝一名李潛詩曰  
文學宗師心稱平無私三用佐貞明恩波舊是仙丹客德宇新添  
月桂名蘭署崇資金印重蓮峯高唱玉音清羽毛方荷生成力難

續鸞皇上漢聲謠亡詩曰科文又主守初時光顯門生際會期美  
擅東堂登甲乙榮同內署待恩私羣鶯共喜新遷木雙鳳皆當卽  
入池別有倍深知感上會經兩度得芳枝唐思言詩曰儒雅皆傳  
德教行幾敦浮俗贊文明龍門昔上波濤遠禁署同登渥澤榮虛  
散謬常陪杞梓後先甯異感生成時方側席徵賢急況說詞議近  
帝京尤半詩曰聖朝文德最推賢自古儒生少比肩再啟龍門將  
二紀兩司鸞谷已三年蓬山皆羨齊榮貴金榜誰知忝後先正是  
感恩流涕日但思旌旆碧峯前王甚夷詩曰春闈帝念主生成長  
慶公聞兩歲名有詔赤心司雨露無私和氣浹寰瀛龍門乍出難  
勝幸爲侶先行是最榮遙仰高峯看白雪多慚屬和意屏營金厚  
載詩曰長慶曾收閒世英早居臺閣冠公卿天書再受恩披遠金  
榜三開日月明已見差肩趨翰苑更期聯步掌台衡小儒謬跡雲  
霄路心仰蓮  
峯望太清

盧肇風不鳴條詩曰習習和風至過條不自鳴暗通青律起遠望  
白蘋生拂樹花仍落經林鳥自驚幾牽蘿蔓動潛惹柳絲輕入谷

迷松響開窗失竹聲薰絃方在御萬國仰皇情

文苑英華

黃頗風不鳴條詩曰五緯起祥飈無聲瑞聖朝稍開含露藥纔轉  
惹烟條密葉應潛變低枝幾暗搖林閒鶯欲嚀花下蝶微飄初滿  
緣隄草因生逐水苗太平無一事天外奏虞韶

文苑英華

姚鵠風不鳴條詩曰吾君理化清上瑞報昇平曉吹何曾息柔條  
自不鳴花香知暗度柳色覺潛生只見低垂勢那聞擊觸聲大王  
初博暢少女正輕盈幸遇無私力幽芳願發榮

文苑英華

尤牢風不鳴條詩曰旭日懸清景微風在綠條入松聲不發過柳  
影空搖長養應潛變扶疏每暗飄有林時嫋嫋無樹漸蕭蕭誤逐

青烟散輕和樹色饒豐年知有待歌詠美唐堯

文苑英華

王甚夷風不鳴條詩曰聖日祥風起韶暉助發生蒙蒙遙野色裏

裏細條輕佳苒看漸動怡和吹不鳴枝含餘露溼林霽曉烟平縹

緲春光媚悠揚景氣晴康哉帝堯代寰宇共澄清

文苑英華

金厚載風不鳴條詩曰寂寂曙風生遲遲散野輕露華搖有滴林

葉裊無聲暗翦蕤芳發空傳谷鳥鳴悠揚韶景靜淡蕩霽烟橫遠

水波瀾息荒郊草樹榮吾君垂至化萬類共澄清

文苑英華

四年

甲子

二月中書門下奏伏以朝廷興復古制置五經博士以獎額門之

學爲訓胄之資必在得人不限官次今定爲五品俸入四方有經術相當而秩卑身賤者不可以超授有官重而通詩達禮者不可以退資從今已後並請勅本色人中選擇據資除授令兼博士其見任博士且仍舊勅旨宜依

唐會要

八月平潞州德音其諸色人內如有文學節行比來藏避劉從諫隱跡山林者並令搜訪具以名聞

冊府元龜

十月中書門下奏朝廷設文學之科以求髦俊臺閣清選莫不繇茲近緣聚實不在于鄉閭趨名頗雜於非類致有跋扈之地情計交通將澄化源在舉明憲臣等商量今日以後舉人于禮部納家



狀後望依前三人自相保其衣冠則以如親故舊人同游處其有江湖之士則以封壤接近素所諳知者爲保如有缺孝弟之行資朋黨之勢跡絲邪徑言涉多端者並不在就試之限如容情故自相隱蔽有人糾舉其同保人並三年不得赴舉仍委禮部明爲戒勵編入舉格從之

冊府元龜

進士二十五人

是年魏錄孫興等第罷舉見撫言

鄭言

狀元

項斯

唐才子傳項斯字子遷江

東人會昌四年王起下第二人進士唐詩紀事斯字子遷江東人始未爲聞人因以卷謁楊敬之楊苦愛之贈詩云幾度見詩詩盡好及觀標格過于詩平生不解藏人善到處逢人說項斯未幾詩達長安明年擢上第項斯有春夜樊川竹亭陪諸同年譙詩趙嘏唐才子傳嘏字承祐山陽人會昌四年鄭言榜進士

趙嘏

唐才子傳嘏字承祐山陽人會昌四年鄭言榜進士

言趙嘏營家于浙西有美姬嘏甚溺惑泊計偕以其母所

阻遂不攜去會中元為鶴林之游浙帥窺見悅之遂為其人奄有  
明年報及第因以一絕箴之曰寂寞堂前日又曛陽臺去作不歸  
雲當時聞說沙吒利今日青娥罵使君浙帥不自安遣一介歸之  
于報報時方出關途次橫水驛見兜昇人馬甚盛偶訊其左右對  
曰浙西尚書差送新及第趙先輩娘子入京姬在昇中亦認報報  
下馬揭簾視之姬抱報報哭而卒遂葬于橫水之陽趙報報有成  
名年獻座主侯則兼呈同年詩曰拂烟披月羽毛新千里初辭九  
陌塵曾失元珠求家罔不將雙耳負伶倫賈嵩詞賦相如手楊乘  
歌篇李白身除卻今年仙侶外堂堂又見兩三春按報報有贈解頤  
賈嵩詩曰顧我先鳴還自笑空沾一第是何人蓋嵩與報報同舉而  
未第楊乘時亦未第詩謂堂堂兩三楊知溫舊書楊虔卿傳子  
春殆期二人於兩三年中及第也  
撫言楊汝士鎮東川其子知溫及第命妓張宴人與紅綾一疋詩  
曰郎君得意又青春蜀國將軍又不貧一曲高歌紅一疋兩頭娘  
子謝夫人按舊書楊虔卿傳楊汝士於開成元年十二月鎮東  
川四年九月入為吏部侍郎是年蓋知至落下知溫及第也  
孫玉汝永樂大典載信安志引登科記孫玉汝登會昌四年進士  
第容齋續筆云唐登科記會昌四年及第進士有孫玉

汝李景讓為御史大夫劾罷侍御史孫玉汝汝會稽大慶寺碑咸通十一年所立云衢州刺史孫玉汝記榮王宗綽書目有南北史選練十八卷云孫玉

陳納

永樂大典引閣中記陳納字廣裕詔之

汝撰益其人也

子會昌四年及第占籍閩縣

清熙三

山志納終大同軍副使

顧陶

書錄解題顧陶

馬戴

唐才子傳戴字虞臣

按廣裕三山志作廣譽

會昌四年進上

馬戴

唐才子傳戴字虞臣

華州人會昌四年左僕射王起下進士與項斯

張昢

舊書本傳昢字公表

趙嘏同榜俱有盛名

按新書藝文志作馬載

張昢

舊書本傳昢字公表

河間人父君卿昢會昌四年進士擢第釋褐壽州防禦判官

北

夢瑱言張昢尚書恃才直道外仍有至性及第後歸東都一日彷彿見其亡親謂曰去得也

李景述

是年景述以同州解頭

鄭

遂裝辦入京果登朝籍

及第見元微之詩注

鄭

祥趙嘏送同年鄭祥先輩歸漢南詩曰年來驚喜兩心知高處同

得藩閫曾勞筆硯隨家去恩門四千里只應從此夢旌旗注云時

恩門相公鎮山南按王起以會昌四年秋出為興元尹兼同平章

事充山南西

道節度使

續放一人

楊巖

據言會昌四年二月權知貢舉左僕射太常卿王起下及第二十五人續奏五人堪放及第刑

部尚書楊汝士之子知至故相牛僧孺之甥源重河東節度使崔元式女婿鄭樸監察御史楊發之弟巖故相竇易直之子緘恩旨令送所試雜文付翰林重考覆續奉進止楊巖一人宜與及第源重四人落下時楊知至因以長句呈同年曰由來梁薦與冥鴻不合翻翻向碧空寒谷謾勞鵲氏律長天獨遇宋都風此時泣玉情雖異他日銜環事亦同三月春光正搖蕩無因得醉杏園中舊書本紀時左僕射王起頻年知貢舉每貢院考試訖上榜後更呈宰相取可否復人數不多宰相延英論言主司試藝不合取宰相與奪比來貢舉艱難放人絕少恐非引誘之道帝曰貢院不會我意不放子弟即太過無論子弟寒門但取實藝耳李德裕對曰鄭肅封敖有好子弟不敢應舉帝曰我比聞楊虞卿兄弟朋比貴勢妨平人道路昨楊知至鄭樸之徒並令落下抑其太甚耳德裕曰臣無名第不合言進士之非然臣祖天寶末以仕進無地政勉強隨計一舉登第自後不於私家置文選蓋惡其祖尚浮華不根藝實然朝廷顯官須是公卿子弟何者自小便習舉業目熟朝廷開事臺閣儀範班行準則不教而自成寒士縱有出人之才登第之

後始得一班一級固不能習熟也則子弟成名不可輕矣又楊收傳嚴字凜之會昌四年進士擢第是歲僕射王起典貢部選士三十人嚴與楊知至寶絨源重鄭樸五人試文合格物議以子弟非之起覆奏武宗勅曰楊嚴一人可及第餘四人落下諸科七人

知貢舉

左僕射王起

據言會昌三年十一月十九日勅諫議大夫陳商守本官權知貢舉後以延英對見

詞不稱旨十二月十七日宰臣遂奏依前命左僕射兼太常卿王起主文又云王起於會昌中放第二榜內道場詩僧廣宣以詩寄賀曰從辭鳳閣掌絲綸便向青雲領貢賓再闢文場無枉路兩開金榜絕冤人眼看龍化門前水手放鷺飛谷口春明日定歸台席去鶴駕原上共陶鈞起答曰延英面奉入春闈亦選功夫亦選奇在冷只求金不耗用心空學杵無私龍門變化人皆望鷺谷飛鳴自有時獨喜向公誰是證彌天上士與新詩劉禹錫和王侍郎酬宣上人詩云禮闈新榜動長安九陌人人走馬看一日聲名徧天下滿城桃李屬春官白吟白雪銓辭賦指示青雲借羽翰借問至公誰印可支郎天限定中觀元稹和王侍郎酬宣上人詩云渥注

徒自有推奇伯樂書名世始知競走牆前希得雋高懸日下表無私都中紙貴流傳後海外金題姓字時珍重劉繇因首薦爲君送和碧雲詩

五年乙丑

正月受尊號辛亥有事於郊廟禮畢大赦制曰武功既暢經術是修宜闡儒風以宏教化應公卿百寮子弟及京畿內士人寄客外州府舉士人等修明經進士業者並隸名太學每一季一度據名籍分榜於國子監試帖三度帖經全通者卽是經藝已熟向後更不用帖試如三度全不通及三度託事故不就試者便落下名籍至貢舉時不在送省之限其外寄居及士著人修進士明經業者

並隸名所在官學仍委長吏於見任官及本土著學行人中選一人充試官亦委每季一試餘並準前處分如無經藝雖有文章不在送省之限宗子每因恩澤皆賜出身自幼授官多不求學未詳典法頗有愆違委宗正寺收補明經每年許參三十人出身同兩館例與補各搜圖籍精驗源流明爲保舉不得容有踰濫仍一季一度試帖經餘並同進士明經條例處分所送人數其國子監明經舊格每年送三百五十人今請送二百人進士依舊格送三十人其隸名明經亦請送二百人其宗正寺進士送二十人其東監同華河中所送進士不得過三十人明經不得過五十人其鳳翔

山南西道東道荆南鄂岳湖南鄭滑浙西浙東鄆坊宣商涇邠江南江西淮南西川東川陝虢等道所送進士不得過一十五人明經不得過二十人其河東陳許汴徐泗易定齊德魏博澤潞幽孟

按孟字疑誤

靈夏蒲青鄆曹兗海鎮冀麟勝等道所送進士不得過一

十人明經不得過十五人金汝鹽豐福建黔府桂府嶺南安南邕容等道所送進士不得過七人明經不得過十人其諸支郡所送人數請申觀察使爲解都送不得諸州各自申解諸州府所試進士雜文據元格並合封送省準開成三年五月三日勅落下者今緣自不送所試以來舉人公然拔解今諸州府所試各須封送省



司檢勘如病敗不近詞理州府妄給解者試官停見任用闕

舊書本紀

冊府元龜

摭言

按宣商之宣疑衍文商當在金汝之下通鑑是年注云鎮州凡五十六州四十一道此詔所列當有脫佚

二月諫議大夫權知禮部貢舉陳商選士三十七人中第物論以

為請託令翰林學士白敏中覆試

冊府元龜以覆試為三月事翰林學士上有戶部侍郎四字

落張漬

摭言張漬會昌五年陳商下狀元及第翰林覆落漬等八人趙蝦先有喜張漬及第詩曰九轉丹成最上仙青天暖

日踏雲軒春風賀喜無言語排比花枝滿杏園又貽漬詩曰莫向春風訴酒杯謫仙真個是仙才猶堪與世為祥瑞會到蓬山頂上

來

按漬

即漬之訛李玕薛忱張覲崔凜王湛劉伯錫等七人

舊書本紀冊府元龜敏

中覆試落下議者以為公

三月中書門下奏貢舉人並不許於兩府取解仰於兩都國子監

就試冊府  
元龜

進士二十七人覆試落下八人按本紀作三十七人當以登科記

紀作 易重永樂大典引瑞州府志易重字鼎臣上高人延慶

元易重第二其年翰林重考張演黜落以重為狀元唐詩紀事

易重居榜首有詩寄宜陽兄弟云六年雁序恨分離詔下今朝遇

已知上國皇風初喜日御階恩渥屬身時內庭再考稱文 孟遲

吳聖王宣名獎藝奇故里仙才若相問一春攀得兩重枝

唐才子傳孟遲字遲之平昌人會昌五年易重榜進士 盧嗣立

與顧非熊甚相得且同年按讀書志作孟達字叔之

永樂大典引池州府志孟遲字須仲青陽人盧嗣立字敏紹秋浦

人仕牧守池州同舉於朝同登進士第又引秋浦新志云會昌五

年高元裕以詩簡知舉陳商云中丞為國拔英才寒暄欣逢 魯

藻鑑開九朵蓮花秋浦隔兩枝丹桂一時開為江東佳話

受永樂大典引宜春志魯 顧非熊北夢瑣言唐著作郎顧況字

受會昌五年登進士第 通翁好輕侮朝士貶在江外

多與僧道交游時居茅山暮年有一子卽非熊前身也一旦暴亡  
況追悼哀切所不忍言乃吟曰老人喪愛子日暮泣成血老人年  
七十不得多時別非熊在其閒聞之甚悲憶遂以情告冥官皆憫  
之遂商量卻令生於況家三歲能言其閒聞父苦吟卻求再生之  
事歷歷然長成應舉擢進士第 撫言願非熊況之子滑稽好辯  
凌轢氣傲子弟爲眾多怒非熊旣爲所排在舉場垂三十年屈聲  
聒人耳會昌中陳商放榜上怪無非熊名詔有司追榜放及第時  
天下寒進皆知勸矣詩人劉得仁賀詩曰愚爲童稚時已解念君  
詩及得高科晚須逢聖主知花前翻有淚鬢上卻無絲從此東歸  
去休爲墜葉期又云願況全家隱居茅山竟莫知所止其子非熊  
及第歸慶旣莫知況甯否亦隱于舊山或聞有所遇長生之祕術  
也 唐才子傳非熊及第授盱眙主簿 項斯送顧非熊及第歸  
茅山詩曰吟詩三十載成此一名難自有恩門入全無帝里歡湖  
光愁裏碧巖景夢中寒到後松杉月何人共曉看厲元送顧非熊  
及第歸茅山詩曰故山登第去不似舊歸難帆卷江初夜梅生洞  
少寒探薇留客飲折竹掃仙壇名在儀曹籍何人肯挂冠顧非熊  
酬陳標詩事喜及第與段何共貽詩曰至公平得意自喜不因媒  
榜入金門去名從玉案來歡情聽鳥語笑眼對花開若擬華筵賀

當期醉百杯又非熊關試後嘉會里間蟬感懷呈主司詩曰昔聞  
驚節換常抱異鄉愁今聽當名遂方歡上國游吟纔依樹午風已  
報庭秋併覺聲聲好懷恩忽淚流

諸科五人

知貢舉

左諫議大夫陳商

冊府元龜 唐大詔令集曾昌五年正月十五日權知禮部侍郎陳商等

有皇帝為義安皇太后制服重輕事狀

六年

丙寅

三月二十三日

新書作甲子

宣遺詔以皇太叔光王即位是日上崩

舊書

紀本

丁卯宣宗即位

通鑑

進士十六人

按十六人疑作二十六人

狄慎思

狀元 玉芝堂談薈作思慎恐此作慎思因咸通十一年

林慎思

薛能

唐才子傳薛能字大拙汾州人會昌六年狄慎思榜登第大中末書判入等中選補整屋尉

致訛

張黯

永樂大典引蘇州府志張黯會昌六年登第

顏口

按顏蕘作顏上人集序云蕘同年丈人故許州節度使尙

書薛公字大拙是蕘

之父爲此年進士

諸科五人

拔萃科

鄭畋

舊書本傳言畋大中首歲書判登科以年二十二計之當在此年蓋宣宗於三月卽位四月吏部試

故卽謂大中也

知貢舉

禮部侍郎陳商

永樂大典引蘇州府志於會昌五年稱諫議陳商權知貢舉會昌六年稱禮部

侍郎陳商知舉當是真拜也今從之 陳商華嶽題名云會昌元年七月二十五日商祇召赴闕商題後六年自禮部侍郎出鎮分

陝

唐宣宗元聖至明成武獻文睿智章仁神聰懿道大孝皇帝

大中元年丁卯

正月甲寅赦天下改元

通鑑

是月

舊書本紀作三月丁酉朔按下文二十五日奉勅是三月二十五日始放榜似爲過遲今從冊府元龜唐會要禮部

侍郎魏扶奏臣今年所放進士二十三人

舊書本紀作三十三人按登科記與唐會要同

作二十三

人當從之續奏堪放及第三人封彥卿崔琢鄭延休等實有詞藝

爲時所稱皆以父兄見居重位不敢令中選取其所試詩賦封進  
奏進止詔翰林學士承旨戶部侍郎知制誥韋琮等重考覆盡合

程度其月二十五

一作三

日勅曰彥卿等所試文字並合度程可放

及第有司考試祇在至公如涉請私自朝典從今已後但依常

例取舍不得別有奏聞

舊書本紀

冊府元龜

唐會要

舊書

間採聽輿論以觀選士之得失

唐語林宣宗愛羨進士每對朝

臣問登第否有以科名對者必有喜便問所賦詩賦題並主司姓名或有人物優而不中第者必歎息久之嘗於禁中題鄉貢進士李道龍

勅自今放進士榜後杏園任依舊宴集所司不得禁制先是武宗

好遊巡曲江亭禁人宴聚故也

冊府元龜

唐會要

舊

書本紀載在三月今不取

六月中書門下奏貢舉人取解宜準舊例於京兆府河南府集試

從之

冊府元龜

唐會要

進士二十三人

顧標

狀元 玉芝堂談舊作會昌七年

陳鏞

永樂大典引閩中記陳鏞字

楊乘

舊書楊收傳發子乘登進士

希聲侯官人大中元年及第

唐詩紀

劉瞻

舊書本傳瞻字幾

州府志楊乘大中元年及第

李義叟

唐詩紀事義叟義山弟也義山集有喜舍

事乘大中公登第官終殿中侍御史

弟義叟及第上禮部魏公詩曰國以斯文

景瞻大中公登第官終殿中侍御史

重公仍內署才風標森太華星象逼中台朝滿遷鸞侶門多吐鳳

來甯同魯司寇只鑄一顏回又有為弟作謝座主魏相公啟義叟

啟伏奉前月二十八日勅旨授祕書省校書郎知宗正表疏續奉

今月五日勅改授河南府參軍依前充職者小宗伯之取士早辱

搜揚大宗正之薦賢又蒙抽擢未淹旬日再授班資任重本枝職

齊載筆方殊王逸惟注楚辭有與郝隆但攻蠻語此皆相公事均

朋翼勢作風雲特于汨沒之中俯借扶搖之便孔龜效印未

議於酬恩楊崔銜環徒聞于報惠感忤之至罔知所裁謹啟

崔

泊舊書崔琪傳璪子泊

大中公登進士第

九

登科記考

卷二十二



續放三人

封彥卿

教之子見舊書本傳

崔琢

琢字子文鄴之子見宰相世系表

鄭延

休

按宰相世系表延休官山南西道節度使當是涯之子合敬之弟

諸科二十人

雲麓漫鈔載大中元年有童子明經童子學究仍應入童子科又載明算科

王凝

司空圖王

公行狀公諱凝字成庶太原人年十五舉孝廉上第其為文根六經必先勸誡著都邑六國銘益振時譽魏相國扶主貢籍選中甲科

知貢舉

禮部侍郎魏扶

唐詩紀事大中初扶知禮闈入貢院題詩云梧桐葉落滿庭陰鎖閉朱門試院

深曾是當年辛苦地不將今日負前心榜出無名子削為五言詩以譏之李義山集有獻侍郎鉅鹿公啟云今月某日舍弟新及

第進士義叟處伏見侍郎所制春闈放榜後寄呈在朝同年兼簡新及第諸先輩五言四韻詩一首

二年

戊辰

正月中書門下奏從貞元元年大和九年秋冬前皆是及第使從  
諸侯府奏試官充從事兼史館集賢宏文諸司諸使奏官充職以  
此取人常多得士由是長不乏材用大和會昌末中選後四選諸  
道方得奏充州縣官職如未合選並不在申奏限臣等昨已奏論  
面奉進止自今已後及第後第三年卽任奏請勅旨依奏

唐會要

進士二十三人

盧深

狀元見王芝堂談薈

崔薨

舊書崔甯傳崔薨字野夫大中二年擢進士第

按薨爲

楊牢

新書李甘傳始河南人楊牢字松年有至行甘方未顯以書薦於尹曰執事之部孝童楊牢父

蠡之子

茂卿從田氏府趙軍反殺田氏茂卿死牢之兄蜀三往索父喪處  
死不果至牢自洛陽走常山二千里號伏叛鬪委髮羸骨有可憐  
狀警意感解以尸還之單纓冬月往來太行開凍膚皸疥銜哀雨  
血行路稠人爲牢泣歸責其子以牢勉之牢爲兒踐操如此未聞

執事門唁而書顯之豈樹風扶教意耶牢後擢進士第唐詩紀  
事牢登大中二年進士第又云牢宏農人少孤年六歲母俾入雜  
學誤入人家乃父友也方彈碁戲以局爲題俾牢賦之應李彥  
聲曰魁形下方天須亞二十四寸窗中月年十八中第  
昇陳黯華心篇云大初中初年大梁連帥范陽公得大食國人李彥  
昇薦於闕下天子詔春司考其才二年以進士第名顯然常所  
賓貢者鄧敞玉泉子鄧敞封敖之門生初隨計以孤寒不中第  
不得擬鄧敞牛蔚兄弟僧孺之子有勢力且富於財謂敞曰吾  
有女弟未出門子能婚乎當爲君展力甯靳一第乎時敞已婚李  
氏矣其父嘗爲福建從事官至評事有女二人皆善書敞之所行  
卷多二女筆迹敞顧已寒賤必不能致騰蹕私利其言許之既登  
第就牛氏親不日挈牛氏而歸將及家紿牛氏曰吾久不到家請  
先往俟卿可乎牛氏許之泊到家不敢泄其事明日牛氏之奴駐  
其輜橐直入卽出居常牛氏所玩用供帳帷幙雜物列於庭廡之  
閒李氏驚曰此何爲奴曰夫人將到令具陳之李氏曰吾卽妻也  
又何夫人爲卽撫膺大哭頃之牛氏至知其賣已也請見李氏曰  
吾父爲宰相兄弟皆在郎省縱嫌不能富貴豈無一嫁處耶其不  
幸豈唯夫人乎今願一切與夫人同之夫人縱憾于鄧郎甯忍不

為二女計耶時李氏將列于官二女力牽挽其袖而止後敝以秘書少監分司慳吝尤甚按脈贗言此事即琵琶記傳奇所由本也牛丞相即僧孺韓藩崔瑄金華子韓藩端公大中二年封僕射敕問宛陵請裴口李商隱為興元裴從事賀封尚書加官敕藩為副使裴口注云裴即封之門生蓋於是年及第也

諸科十七人

知貢舉 禮部侍郎封敖 舊書本傳宣宗即位遷禮部侍郎大中

即知舉首訪能賦人盧駢詣羅邵輿問之羅曰主司安邑住邵輿居宣平彼處愛賦無由得知

三年已

進士三十人 試堯仁如天 于珪 大中三年狀元及第見廣卓異賦見唐語林

二子見舊書 高璩 舊書高元裕傳子璩登進士第新書璩字瑩于休烈傳

于休烈傳 高璩 張祐孟才人歎序云武宗皇帝疾篤遷

便殿益才人以歌笙獲寵者密侍其右上目之曰吾當不諱爾何  
爲哉指笙囊泣曰請以此就絃上憫然復曰妾嘗藝歌願口上歌  
一曲以泄其憤上許之乃歌一聲何滿子氣亟立隕上令醫候之  
曰脈尚溫而腸已絕矣及上崩將徙其柩舉之愈重議者曰非俟  
才人乎爰命其櫬輓至乃舉嗟夫才人以誠死上以誠明雖古之  
義激無以過也進士高璩登第年宴傳於禁伶明年秋貢士文多  
以爲之目大中三年遇高於由拳話於余聊爲興歎按此璩似於  
元年登第考孫樵故倉部郎中康公墓誌銘序會昌五年調再授  
秘書省校書郎大中二年復調授京兆府參軍其年冬爲進士試  
官故中書侍郎高公璩尙書倉部郎中崔亞前左拾遺陳晝洎樵  
十輩皆出其等列璩益於大中二年入等三年  
登第也蕭鄴高元裕碑子曰璩進士擢第  
崔安潛舊書崔  
慎由傳  
慎由弟安潛字進之大中三年登進士第唐詩紀事何澤韶陽  
曲江人也父鼎容管經略有文稱澤乾甯中隨計至三峯行在永  
樂崔公安潛卽澤之同年丈人也聞澤來乃以一絕報之曰四十  
九年前及第同年唯有老夫存今日殷勤訪吾子穩將籌畫上龍  
門按此安潛蓋與澤之父鼎同年自大中三年至  
乾甯四年爲四十九年澤於梁太祖時及第也

何鼎

見上

趙

隱舊書本傳隱字大隱京兆奉天人大中三年

應進士登第按新書作會昌中擢第誤崔彥昭舊書本

字思文清河人大中三年進士擢第釋褐諸侯府宰相世系表彥

昭父玘中朝故事咸通中輔相崔彥昭兵部侍郎王凝乃外表

兄弟也凝大中元年進士及第來年彥昭猶下第因訪凝疑叔衣

見之崔甚悲凝又戲之曰君卻好應明經舉也彥昭忿怒而出三

年乃登第懿皇朝多自夏官侍郎判鹽鐵即秉鈞軸一旦凝拜是

官決意入相彥昭陷之後數月之間鹽鐵中有墮壞凝職朝廷

以彥昭為之半載而人相彥昭母乃命多製鞋履謂侍婢曰王氏

妹必與王侍郎同竄逐吾要伴小妹同行也彥昭聞之泣拜其母

謝曰必無此事王凝竟免其責也按王傳唐詩紀事傳登大

彥昭傳言趙隱高璩與彥昭同年進士王傳中三年進士第初

負喪於中條山萬

固寺入院讀書

諸科十人

知貢舉禮部侍郎李義

唐語林大中三年李義侍郎知舉試堯仁如天賦宿州弟使君弟續不識題訊

同鋪或曰止於堯之如天耳價不悟乃爲句曰雲攢八彩之眉電  
閃重瞳之目賦成將寫以字數不足憂甚同輩給之曰但一聯下  
添一者也當足  
矣褒覽之大笑

四年

庚午

進士三十人

張溫琪

狀元

曹鄴

唐才子傳曹鄴字業之桂林人  
累舉不第爲四怨三愁五情詩

時爲舍人韋慤所知力薦於禮部侍郎裴休大中四年張溫琪榜  
中第按業之新書藝文志作鄴之唐詩紀事曹鄴杏園卽席  
上同年云岐路不在天十年行不至一旦公道開青雲在平地枕  
上數聲鼓衡門已如市白日探得珠不待驪龍睡念念出九衢僮  
僕顏色異故衣未及換尙有去年淚晴陽照花影落絮浮野翠對  
酒時忽驚猶疑夢中事自憐孤飛鳥得接鸞鳳翅永懷其濟心莫  
起胡越意桂林風土記遷鶯坊本名阜財因曹鄴中丞進士及  
第前政令狐大夫改爲遷鶯坊曹鄴有成名後獻恩門詩曰爲  
物稍有香心遭蠹蟲啗平人登太行萬萬車輪折一辭桂嶺猿九  
泣東門月年年孟春時看花不如雪僻居城南隅顏子須泣血沈

埋若九泉誰肯開口說辛勤學機杼坐對秋燈滅絨錦花不常見  
之盡云拙自憐孤生竹出土便有節每聽浮說言喉中似無舌忽  
然風雷至驚起池中物拔上青雲巔輕如一毫髮瓏璫金鎖甲稍  
稍城鳥絕名字如鳥飛數日便到越幽蘭生雖晚幽香亦難歇何  
以保此身終

**林簡言**

永樂大典引閩中記林簡言字

馮涓

唐

身事無缺  
林大中四年進士馮涓登第榜中文譽最高是歲新羅國起樓厚  
廣金帛奏請撰記時人榮之太平廣記引王氏聞見錄馮涓舊

唐名士雄才奧學登進士第

十國春秋馮涓

盧鄴

唐詩紀事

字信之先世婺州東陽人唐吏部尚書衞之孫

盧鄴

鄴大中四

年登第為浙

劉蛻

北夢瑣言荊州衣冠藪澤每歲解送舉人多  
不成名號曰天荒解劉蛻舍人以荆府解及第

東觀蔡使

號為破天荒

據言大中四年劉蛻舍人以荆府解及第時崔魏

公作鎮以破天荒錢七十萬資蛻蛻謝書略曰五十年來自是人

廢一千里外豈曰天荒蛻上禮部裴侍郎書曰臨其事不能苟

有待而先自請者閣下以為難乎贊功論美近乎諂飾詞言已近

乎私低陋摧伏近乎鼠竊廣博張引近乎不敬鉤深備尚則畏不

能動乎人借懼相比又畏取笑乎後情志激切謂之躁詞語連綿



謂之賢夫臨其事而自言者其難如此也然不有聽者之明言者無病則固當背惶踏俟乎知者而自知也用者而自用也安得持一言於已難之時者哉然或不得已而言之者亦將自言而已矣又豈敢因其時而遽言大體哉蛻少時不知小人通生有自可之事樹之爲梔茜種之爲穀粟賈於市釣於江亦以老也無何羅絡舊傷附會時律懷筆啟於搢紳家十二三年矣謂非而習之敵而成基壯而厯級乘時無難梗寒苦之疲今者欲三十歲矣所望不過抱關輸力求粟養親而已何者家在九曲之南去長安近四千里膝下無怡怡之助四海無強人之親日行六十里用半歲爲往來程歲須三月侍親左右又留二月爲乞假衣食於道路是一歲之中獨留一月在長安王侯聽尊媒妁聲深況有疾病寒暑風雨之不可期者雜處一歲之中哉是風雨生白髮田園變荒蕪求抱關養親亦不可期也及今年冬見乙酉詔書用閣下以古道正時文以平律校羣士懷才負藝者踴躍至公蛻也不度已入春明門請與八百之列負階侍試嗚呼蛻也材不良命甚奇時來而功不成事修而名不副將三十年矣今而後閣下進之蛻亦得以至公進閣下退之蛻亦得以至公退進退者由閣下也未可知也干瀆尊嚴敢忘僂辱情或須露豈曰圖私不然則蛻也豈敢蛻再拜

釋齊已送劉蛻秀才赴舉詩曰百發百中機五年丹枝如計分  
一箭的無偏文物兵銷國關河雪霽天都人看春榜韓宇在誰前

崔涓

舊書崔瑛傳子涓大  
中四年進士擢第

諸科十三人

博學宏詞科

劉瞻

舊書本傳瞻大中四  
年登博學宏詞科

知貢舉

禮部侍郎裴休

見上按唐闕史云丞相河東公得古  
益後以小宗伯掌文學柄得士之後生

徒有以益寶為請者裴公設食會門生器出乎庭獨劉舍人蛻以  
為非是裴休以禮部侍郎知舉矣曹鄴登岳陽樓有懷寄座主

相公即謂休也又有翠孤  
至清宮寄座主相公詩

五年

辛未

進士二十七人又三人

李邵

狀元

鄭嵎

唐才子傳鄭嵎字賓光  
大中五年李邵榜進士

柳珪

舊唐書柳公綽傳仲郢子珪字鎮方大中五年登進士第

燈燭下本

按珪及第後應白敏中之辟樊南集爲河東公謝相

國京兆公啟

云某第二子前鄉貢進士珪充攝劍南西川安撫巡

官又有爲柳珪

謝京兆公啟

諸科二十二人

林勛

永樂大典引闕中記林勛字公懋閬縣人  
大中五年開元禮登科按淳熙三山志

林勛終吉

州刺史

制科

莫宣卿

白鴻儒莫孝肅公詩集序唐宣宗大中五年龍集  
辛未設科求賢合天下士對策於大庭臚傳以莫

公宣卿爲第一公字仲節廣南封州人也

柳珪有送莫仲節狀

元歸省詩曰青驄聚送謫仙人南國榮親不及君椰子味從今日

近鷓鴣聲向舊山聞孤猿夜叫三湘月匹馬時侵五嶺雲想到故

鄉應臘過藥欄猶有異花薰

按是年設科無考制科第一據此

亦得稱

狀元

知貢舉

禮部侍郎韋慤

舊書韋保衡傳父慤大中四年拜禮部侍郎五年選士頗得名人沈詢授韋慤

郭岳節度使制云職司誥命參貳春官業彌振於訓詞道愈光於得士

六年

壬申

進士二十八人

劉鷟

唐才子傳劉鷟字司南大中六年禮部侍郎崔瑱下進士初與曹鄴爲友深相結鄴

既擢第不忍先歸待長安中爲成名乃同歸

許道敏

唐闕史貢士許道敏

范蠡故山

曹鄴有滌川寄進士劉鷟詩

許道敏

唐闕史貢士許道敏

聞鄉薦之初獲知於時相是冬主文者將蒞事於貢院謁於相門

丞相大稱其文學精臻宜在公選主文加旌揖額而去許潛知其

旨則磨礪以須屈指試期大掛人口俄有張希復員外結婚於丞

相奇章公之門親迎之夕辟道敏爲僎贊道敏乘其喜氣縱酒飛

章搖珮高譚極歡而罷居無何時相敷奏不稱旨移秩他郡人情

恐駭主文不敢第於甲乙爾後晦昧坎壈不復聞達繼丁家故垂

二十載至大中六年崔瑱知舉年方擢於上科時有同年張侍郎

讀一舉成事年才十九乃道敏敗于垂成之冬僦導外郎鵠橋之

夕牛夫人所出也 按許道敏堯 苗台符 撫言苗台符六歲能

佐之子登進士第見舊書儒學傳 苗台符 屬文聰悟無比十餘

歲博覽羣籍著皇心三十卷年十六及第張讀亦幼擅詞賦年十

八及第同年進士同佐鄭薰少師宣州幕二人常列題于西明寺

之東廡或竊注之曰一雙前進士兩箇阿孩兒台符十七不祿張

讀位至禮部侍郎 韓文考異引登科記苗台符藩之會孫惜之

于大中八年進士第 張讀 舊書張讀登進士第有俊

疑八為六字之訛 張讀 舊書張讀登進士第有俊

趙隱 舊書趙隱傳弟隱亦以進士登第 廣卓

異記大中六年崔瑀知舉放趙隱及第

諸科九人

知貢舉 禮部侍郎崔瑀 舊書崔瑀傳崔瑀大中五年以中書舍

年權知戶部侍郎 杜牧崔瑀除兵部侍郎制前權知尚書戶部

侍郎崔瑀上知白得不器難名既擢高文兼通古學掌言綸閣典

貢春閣詞同三代之

風士掇一時之秀

七年癸酉

進士三十人

于璵

廣卓異記引登科記于珪大中三年狀元及第

崔瑗

玉泉子崔殷夢瑗宗人瑤門生也夷門節度使龜從之子同年首冠于瑗瑗曰夫一名男子傷身世以為美也不可以等埒也近歲關試內多以假為名求適他處甚無謂也今乞侍郎不可衛其舊轍瑤大以為然一日瑗等率集同年詣瑤起居既坐瑤笑謂瑗等曰昨得大梁相公書且欲先輩一到駿馬健僕往復當不至稽滯幸諸先輩留意瑗以座主之命無如之何

澹

李詹

玉泉子唐李詹大中七年崔瑤下擢進士第平生廣求滋味每食鼈輒緘其足暴於烈日鼈既渴即飲以酒而

烹之鼈方醉已熟矣復取鼈繫於庭中圍之以火驢渴即飲以灰水蕩其腸胃然後取酒調以諸辛味復飲之驢未絕而為火所逼燂外已熟矣詹一日方巾首失力仆地而卒頃之詹膳夫亦卒一夕膳夫復蘇曰某見詹為地下責其過害物命詹對以某所為某即以詹命不可違答之詹又曰某素不知皆狄慎思所傳故得以迴無何慎思復卒慎思亦登進士第時為小諫

按慎思會昌六

年狀

韋蟾

唐詩紀事蟾字隱桂下杜人大中七年進士登第初為徐商掌書記終尚書左丞按蟾表徵之子見舊

書儒

學傳

諸科十一人

知貢舉 中書舍人崔瑤

舊書崔邠傳邠子瑤出佐藩方入升朝列累至中書舍人大中六年知舉旋拜

禮部侍郎

唐語林崔瑤知貢舉以貴要自恃不畏外議勝出率皆權豪子弟

八年

甲戌

九月七日御札墨制除賈島遂州長江主簿勅曰比者禮部奏卿

風狂遂且令關外將息今既卻攜卷軸潛至京城遇朕微行聞卿

高詠視其至業可謂屈人是用顯我特恩賜爾墨制宜從短簿別

侯殊科可守劍南道遂州長江縣主簿仍便齋勅乘驛赴官所信

藩侯放上聞奏

鑒戒錄賈島初赴名場日常輕於先輩以八百舉

惡之與禮閣議之奏島與平曾等風狂撓擾貢院是時逐出關外  
號爲十惡議者以浪仙自認病蟬是無博風之分詩曰病蟬飛不  
得向我掌中行折翼猶能博酸吟尙極清露華疑在腹塵點任侵  
晴黃雀并烏鳥俱懷害爾情島後爲僧改名無本入京投蜀僧悟  
達國師知元院中或去法乾寺返初了潛於鐘鼓安下日與師覺  
輝無可上人姚殿中合衷私唱和盧鄭相所聞專俟宣宗微行欲  
見帝希特恩非時及第及宣宗微行值元不在上聆鐘樓上有秀  
才吟詠之聲遂登樓於島案上取吟次詩欲看島不識帝懷臂睨  
帝遽於帝手奪之曰郎君何會耶帝慚赧下樓元公尋亦歸院島  
撫膺追悔欲投鐘樓帝惜其才急詔釋罪謂島曰方知卿薄命矣  
遂下墨制島因授此官永離貢籍 抵言賈島不善程試  
每試自疊一幅巡鋪告人曰原夫之輩乞一聯乞一聯

是年韋澳爲京兆尹榜日朝廷將裨教化廣設科場當開元天寶



之間始專重明經進士及貞元元和之際又益以薦送相高當時  
唯務切磋不分黨甲絕僥倖請託之路有推賢讓能之風等列標  
名僅同科第既爲盛事固可公行近日已來前規頓改互爭強弱  
多務奔馳定高卑於下第之初決可否于差官之日曾非考覈盡  
繫經營與學雄文例舍於貞方寒素增年矯貌盡取于朋比羣強  
雖中選者曾不足云而爭名者益熾其事澳叨司畿甸合貢英髦  
非無藻鑑之心懼有愛憎之謗且李膺以不察孝廉去任胡廣以  
輕舉茂才免官況在窺管實難裁處況禮部格文本無等第府庭  
解送不合區分今年所合送省進士明經等並以納策試前後爲

定不在更分等第之限

東觀奏記先是京兆府進士明經解送設殊次平等三級以甄別行實近年公道益

衰止于奔競至解送之日威勢撓敗如市道焉至是澳榜云云  
撫言載於七年考舊本紀八年五月以中書舍人翰林學士韋澳  
為京兆尹  
今從之

上書拜官一人

李羣玉

唐才子傳李羣玉字文山禮州人清才曠逸不樂仕進赴舉一上即止裴相公

休觀察湖南厚禮延致之郡中大中八年以草澤臣來京詣闕上表自進詩三百篇休適入相復論薦上悅之勅授宏文館校書郎  
李羣玉有始泰四座奏狀聞薦蒙恩授官旋進歌  
詩延英宣賜言懷紀事呈同館諸公二十四韻

進士三十人

李頻有省試振振驚

顏標

狀元 撫言鄭侍郎蕭主文謂顏標乃魯公之

後時徐寇作亂蕭志在激勸忠烈即以標為狀元謝恩日從容問及廟院標曰標寒進也未嘗有廟院蕭始大悟塞嘿而已尋為無名子所嘲曰主司頭腦太  
冬烘錯認顏標作魯公  
李頻 唐才子傳頻字德新睦州壽昌人給事中姚合愛其標格以女

妻之大中八年顏標榜擢進士調校書郎爲南陵主簿試判入等  
遷武功令 摠言李頻師方干頻及第詩僧清越贈干詩云弟子  
已得桂先生猶灌園 郊谷有故少師從翁隱巖別業詩云理論  
知清越生徒得李頻鄭薰號所居爲隱巖 李頻梨岳集有及第  
後歸詩曰家臨浙水傍岸對買臣鄉縱棹隨歸鳥乘潮向夕陽苦  
吟身得雪甘意贊成霜況此年猶少酬知足自強又有及第後還  
家過峴 劉 鄭薰下進士榜後晉謁謝薰曰初謂劉君銳志一  
嶺詩 第不足取故人別來三十載不相知聞誰謂今日白頭紛紛矣與  
李頻同年 劉滄看榜日詩曰禁漏初停蘭省開列仙名目上清  
來飛鳴曉日 鶯聲遠變化春風鶴影同廣陌萬人生喜色曲江千  
樹發寒梅青雲已是酬恩處莫惜芳時謝酒杯又及第後宴曲江  
詩曰及第新春選勝游杏園初宴曲江頭紫毫粉筆題仙籍柳色  
鶯聲拂御樓 齊景露光明遠岸晚空山翠墜芳洲歸時不省花間  
醉綺陌香 畢紹顏 舊書畢誠傳子紹顏登進士第 永樂大典  
車似水流 畢紹顏 引蘇州府志大中八年侍郎鄭薰知舉畢紹  
顏登 舊書文苑傳李巨川父 崔 李頻漢上逢同年崔  
第 循 循大中八年登進士第 崔 八詩云去歲曾游帝

里春杏花開過各離秦是

許口

李頻有春日南游寄浙東許同年詩名俟考

李口

同進士及第其名俟考

按李頻有賀同年翰林從叔舍

人知制誥詩未知其名俟考

諸科十五人

知貢舉

禮部侍郎鄭薰

鄭處誨授鄭薰禮部侍郎制曰勅儀曹

之異同必求上才以允僉屬中散大夫尚書工部侍郎鄭薰高陽茂族通德盛門秉莊氏之遺風蘊名卿之品業文諸騷雅鼓吹前言譽洽搢紳領袖時輩操守必修其謙柄進退常踐于德藩疊中詞科亟升清貫持橐列金華之侍揮毫擅紫闥之工貳臘冬官克揚休問是用俾司貢籍以振儒風朕以化天下者莫尚於人文序多士者以備乎時選育材之本惟善是從舉拔既尚于幽貞猗勸勿遺於曹緒無求冠玉無採雕鏤當思取實之方必有酌中之道爾其盡慮以率至公可守禮部侍郎舊書本傳薰端勁再知禮部舉引寒俊士類多之按薰惟此年知舉舊書謂再知禮部誤太平廣記引盧氏雜說鄭薰知舉放榜日唯舍人畢誠到宅謝

恩蓋誠以子紹顏登第而謝也劉滄有罷華原尉上座  
主尚書詩蓋卽薰也 李頻亦有奉和鄭薰相公詩

李頻振振鷺詩曰有鳥生江浦霜華作羽翰君臣相比潔朝野用  
爲歆月影林梢下冰光水際殘飛翻時共樂飲啄道皆安迴翥宜  
高詠羣棲入靜看由來鷺鷥侶濟濟列千官

文苑英華 按振振鷺梨岳集作振鷺

九年乙亥

正月十九日制曰朝議郎守尚書刑部郎中柱國賜緋魚袋唐扶  
將仕郎守尚書職方員外郎裴紳早以科名薦由臺閣聲猷素履  
亦有可嘉昨者吏部以爾秉心精專請委考覈而臨事或乖于公  
當物議遂至於沸騰豈可尚列彌綸是宜竝分符竹善綏凋瘵以

補梅允扶可虔州刺史散官勳封如故裴可申州刺史散官如故

時試宏詞舉人漏泄題目爲御史臺所劾扶爲考試官也吏部侍郎兼判尙書銓事裴諗左授

國子祭酒吏部郎中周敬復罰一月俸監察御史馮顓左授祕書

省著作佐郎舊書本紀作馮顓罰一月俸料考院所送博學宏辭科趙矩等十八

並宜覆落不在施行之限初裴諗兼上銓主試宏拔兩科其年爭

名者眾應宏詞選前進士苗台符楊嚴薛訢李詢古敬翊已下一

十五人就試諗寬豫仁厚有賦題不密之說前進士柳翰京兆尹

柳憲之子也故事宏詞科只三人翰在選中不中者言翰于諗處

先得賦託詞人溫庭筠爲之翰既中選其聲聒不止事徹宸聽杜

德公

按杜審權諡曰德

時爲中書舍人言于執政曰某兩爲考官未試宏

詞先鑲考官然後考文書若自先得賦題者必佳糊名考文書得

佳者考官乃公當罪止

按下疑有闕文

諗爲考官不合坐宏詞趙杲丞相

令狐綯故人子也同列將以此事嫁患于令狐丞相丞相逐之盡

覆去

東觀奏記

唐會要載此事於二月舊書本紀載于三月按裴紳卽庭裕之父記其家事較爲有據故從東觀奏記

御史臺據正月八日禮部貢院捉到明經黃續之趙宏成全質等

三人僞造堂印堂帖兼黃續之僞著緋衫將僞帖入貢院令與舉

人虞蒸胡簡党贊等三人及第許得錢一千六百貫文據勘黃續

之等罪欸具招造僞所許錢未曾入手便事敗奉勅並準法處死

主司以自獲姦人並放舊書本紀按本紀載于三月試宏詞之

正月

事

進士三十人 孫樵讀書志孫樵字隱之大中九年進士新書藝文志作樵字可之孫可之文集自序云幼

而工文得之真訣提筆入貢士列於時以文學見稱大中九年叨

登上第按樵祭梓潼帝君文大中十八年鄉貢進士孫樵再拜

獻詞考大中無十八年蓋十字衍文 盧攜舊書本傳攜字子升

樵於九年登第故八年猶稱鄉貢 盧攜范陽人祖損父求攜

大中九年進士擢第授集賢校理 北夢瑣言唐大中初盧攜舉

進士風貌不揚語亦不正呼攜為慧蓋短舌也韋氏昆弟皆輕侮

之獨章岫尚書加敬謂其昆弟曰盧雖人物甚陋觀其文章有首

尾斯人也以是卜之他日必為大用乎爾後盧果策名竟登廊廟

獎拔京兆至福建觀察使向時輕薄諸弟 柳璧舊書柳公綽傳

卒不展分所謂以貌失人者其韋諸季乎 柳璧仲郢子璧大中

九年登進士第 楊授舊書楊嗣復傳嗣復子授字陸肱唐詩

新書璧字賓王 得符大中九年進士擢第 紀事



肱大中九年登進士第咸通六年自前振武從事試平判入等牧  
南康郡辟許棠爲郡從事鄭谷寄詩云江山多勝境賓主是貧交  
肱以春 李彬 玉泉子大中九年沈詢侍郎以中書舍人知舉其  
賦得名 李彬 登第門生李彬父叢爲萬年令同年有起居之會  
倉部李郎中蟻時在坐因戲諸進士曰今日極盛蟻與賢座主同  
年時右司李郎中從晦又在座戲蟻曰殊未耳小生與賢座主同  
年如何謂郴州柳侍郎也眾皆以爲異是日數公皆詣賓客馮尙  
書審則又柳公座主楊相國之同年舉座異之 按楊相國謂嗣  
復 沈儋 雲溪友議潞州沈尙書宣宗九載主春闈將欲放榜其  
母郡君夫人曰吾見近日崔李侍郎皆與宗盟及第似  
無一家之謗汝所此事家門之幸也於諸葉中擬放誰耶詢曰莫  
先沈光也太夫人曰沈光早有聲價沈擢次之二子科名不必在  
汝自有他人與之吾以沈儋孤單鮮有知者汝其不愍孰能見哀  
詢不敢違慈母之命遂放儋第焉光後果升上第擢奏芸閣從事  
三湘太夫人之朗 羅洙 南部新書韓洙與沈詢尙書中表詢憐  
惓僮亦感激焉 羅洙 洙許與成事如是歷四五年太夫人又  
念之復累付于詢詢知舉大中九年也自第二人遞迤改爲第  
七人方定及放榜誤爲羅洙後詢見韓詢未嘗不深嗟其命

諸科六人

博學宏詞科

趙昶等皆落下

見上

知貢舉

中書舍人沈詢

南部新書大中九年日官李景亮奏云文昌暗科場當有事沈詢為禮部甚懼

焉至是三科盡覆試宏詞趙昶等皆落下按三科謂進士明經宏詞

十年

丙子

三月中書門下奏據禮部貢院見置科目內開元禮三禮三傳三史學究道舉明算明法童子等九科近年取人頗濫曾無實藝可採徒添入仕之門須議條流俾精事業臣等已於延英面論伏奉聖旨將文字來者其前件九科臣等商量望起大中十年權停三

年滿後至時赴試者令有司據所舉人先進名令中書舍人重覆問過如有本業精通堪備朝廷顧問卽作等第進名候勅處分如事業荒蕪不合送名數者考官當議朝責其童子近日諸道所薦送者多年齒已過僞稱童子考其所業又是常流起今已後望令天下州府薦送童子並須實年十一十二以下仍須精熟一經問皆全通兼自能書寫者如違制條本道長吏亦議懲罰從之

舊書本紀

冊府元龜唐會要  
皆作五月今從本紀

四月禮部侍郎鄭顥進諸家科日記十三卷表曰自武德以後便有進士諸科出鶯谷而飛鳴聲華雖茂經鳳池而閱視史策不書

所傳前代姓名皆是私家記錄虔承聖旨敢不討論臣尋委當行

祠部員外郎趙璘採訪諸家科目記撰成十三卷自武德三年至

於聖朝謹專上進方俟無疆勅宜付翰林自今放榜後仰寫及第

人姓名及所試詩賦題目進入內仍仰所司逐年編次冊府元龜

唐語林東觀奏記上雅尚文學聽政之暇常賦詩

尤重科名大中十年鄭顥知貢後宣索科名記顥表上

進士三十人 崔鏘狀元舊書崔元略傳元受 伍愿永樂大

汀志伍愿大中十年進士及第愿又 徐渙永樂大典引宜春志

改名正己字公謹甯化人調臨川尉 徐渙徐渙大中十年登進

士 李郢唐才子傳李郢字楚望大中十年崔鏘榜進士及第

第 李郢唐語林李郢有詩名鄭尚書顥門生也初赴舉聞鄰女

有容求娶之遇有爭娶者女家無以為詞乃曰備錢百萬先至者

許之兩家具錢同日皆至女家無以為詞復曰請各賦一詩以為

優劣郢乃得之登第回江南駐蘇州遇故人守湖州邀同行郢辭  
以決意春歸爲妻作生日故人不放與之胡琴焦桐方物等令且  
寄歸代意郢爲寄內詩曰謝家生日好風烟柳暖花春二月天金  
鳳對翹雙翡翠蜀琴新上七絃絲絲鴛鴦交頸期千歲琴瑟偕和欲  
百年應恨客程歸未  
得絲窗紅淚冷涓涓  
崔瑾  
舊書崔郎傳郎于瑾  
大中十年登進士第

諸科五人

知貢舉

黃門侍郎鄭顥

摭言大中中都尉鄭尚書放榜上以紅

題又曰鄭顥都尉第一榜託崔雍員外爲榜雍甚然諸顥從之  
雍第推延至榜除日顥待榜不至隕穫且至會雍遣小僮壽兒者  
傳云來早陳賀顥問有何文字壽兒曰無然日勢既暮壽兒且寄  
院中止病顥亦懷疑因命搜壽兒懷袖一無所得顥不得已遂躬  
自操觚夜艾壽兒以一蠟彈丸進顥卽榜也顥得之大喜狼忙札  
之一無更易又曰大中十年鄭顥都尉放榜請假往東洛觀省  
生徒餞於長樂驛俄有記于屋壁曰三十驂騑一烘塵  
來時不鎖杏園春楊花滿地如飛雪應有偷游曲水人

十一年  
丁丑

進士三十人

歸仁翰

永樂大典引蘇州府志杜審權知舉歸仁翰登第

王徽

舊書本傳徽字

昭文京兆杜陵人曾祖擇從祖察父自立徽大中十一年進

盧

士擢第釋褐秘書省校書郎又曰徽登第時年踰四十處權南部新書杜審權大中十一年知舉放盧處權有戲之曰座主審權門生處權可謂權不失權

諸科三人

知貢舉

中書舍人杜審權

舊書本紀大中十年九月以中書舍人杜審權權知禮部貢舉本傳審權

正拜中書舍人大中十年權知禮部貢舉十一年選士三十人後多至達官正拜禮部侍郎

十二年

戊寅

三月中書舍人李藩知舉博學宏詞放陳琬

雲溪友議作琬等平廣記引作琬

三人及進詩賦論等召謂藩曰所賦詩中重用字何如藩曰錢起  
湘靈鼓瑟詩有重用字乃是庶幾上曰此詩似不及起乃落

冊府

元龜唐會要雲溪友議宣宗十二年前進士陳玩等五人應  
博學宏詞選所司考定名第及詩賦論進訖上于延英殿詔中書  
舍人李藩等對上曰凡考試之中重用字如何藩對曰賦忌偏枯  
叢雜論失褒貶是非詩則緣題落韻只如白雲起封中詩云封中  
白雲起是也其間重用文字乃是庶幾亦非有常例也又曰孰詩  
重用字對曰錢起湘靈鼓瑟詩有二不字上曰錢起雖重用字他  
詩似不及起其宏詞詩重用字者  
登科更明年考校起詩便付史選

勅鄉貢進士溫庭筠早隨計吏夙著雄名徒負不羈之才早有適

時之用放騷人於湘浦移賈誼于長沙尙有前席之期未爽抽毫

之思可隨州隋縣尉

東觀奏記撫言開成中溫庭筠才名籍甚然罕拘細行以文爲貨議者鄙之無何執政

開復有惡奏庭筠攬極場屋黜隨州隋縣尉時中書舍人裴坦當  
制忤忤含毫久之時有老吏在側因訊之升黜對曰舍人合爲責  
辭何者入策進士與望州長馬一齊資坦釋然故有澤畔長沙之  
比庭筠之任文士詩人爭爲辭送唯紀唐夫得其尤詩曰何事明  
時泣玉頻長安不見杏園春鳳皇詔下雖霑命鸚鵡才高卻累身  
且飲綠醪銷積恨莫辭黃綬拂行塵方城若比長沙遠猶隔千山  
與萬津玉泉子溫庭筠有詞賦盛名初從鄉里舉客游江淮聞  
楊子留後姚勛厚遺之庭筠少年其所得錢帛多爲狎邪所費勛  
大怒笞且逐之以故庭筠不中第其姊趙頴之妻也每以庭筠下  
第輒切齒于勛一日勛有客溫氏偶問誰氏左右以勛對之溫氏  
遽出廳事執勛袖大哭勛殊驚異且持袖牢固不可脫不知所爲  
移時溫氏方曰我弟年少宴游人之常情柰何笞之迄今遂無有  
成安得不由汝致之遂大哭久之方得解脫歸憤訝竟因此得  
疾而卒唐才子傳溫庭筠字飛卿舊名岐并州人宰相彥博之  
孫也少敏悟天才能走筆成萬言尤工律賦每押官韻燭下未曾  
起草但籠袖凭几每一韻一吟而已場中曰溫八吟又八叉手成  
八韻名溫八叉又多爲隣鋪假手然薄行無檢輒與貴胄裴誠令  
狐瀉等飲博後夜嘗醉詬俠邪間爲選卒折齒訴不得理舉進士



數上又不第大中末山北沈侍郎主文特詔庭筠試于簾下恐其  
潛救是日不樂逼暮先請出仍獻啟千餘言詢之已占授八人矣  
執政鄙其爲留長安中待除宣宗微行遇于傳舍庭筠不識傲然  
詰之曰公非司馬長史流乎又曰得非文參簿尉之類帝曰非也  
後謫方城尉按此勅中書舍人裴坦之詞舊書本紀十一年四  
月以職方郎中裴坦爲中書舍人明年冬裴坦知舉故附此年  
進士三十人 李億 狀元見玉 宋言 雲溪友議宋言近十舉而  
府解言本名嶽因書寢似有人報云宋二即秀才若頭上戴山無  
因成名但去其山自當通泰覺來便思去之不可名嶽遂去二犬  
乃改爲言及就府試馮涯侍郎作據而爲試官以解首送也時京  
兆尹張毅夫以馮參軍解送舉人有私奏譴禮州司戶再試退解  
頭宋言爲第六十五人知聞來時宋曰來春之事甘已參差及李  
藩舍人放榜言第四人及第 新書藝文志宋言字表文 按太  
平廣記引感定錄載進士李 崔沆 舊書崔沆元略傳鉉子沆登進  
士第 摭言崔沆及第年爲  
主爵錄事同年盧彖俯近關譙堅請假往洛下拜慶旣而淹緩久  
之及同年譙于曲江亭子彖以雕幃載妓微服褰鞋緹觀于側遽

為團司所發沈判之略曰深擬席帽密映璵車紫  
陌尋春便隔同年之面青雲得路可知異日之心  
盧象上見徐

彥若舊書本傳彥若天后朝大理卿有功之裔會  
廣卓異記大中十二年徐商為襄州節度使長子彥若與

于琮同年及第至咸通六年商自御史大夫拜相七年琮自兵部  
侍郎拜相按舊書本傳作咸通十二年進士擢第咸通即大中

之侯岳永樂大典引閣中記侯岳字公祝未仕終是岳當作嶽  
訛第消熙三山志侯嶽字公祝未仕終是岳當作嶽

李質唐詩紀事引科名分定錄李質登第後廉察豫  
章時大中十二年也又曰質字公餘襄陽人于琮傳

于休烈傳于敖四子球珪瓌琮皆登進士第琮落託有大志駙馬  
柳尉鄭顥奇之會李藩知貢舉顥託之登第舊書本紀大中十

二年三月以前鄉貢進上于琮為秘書省校  
書郎尋尚皇女廣德公主蓋于放榜後尚主吳畦唐語林令狐

文有稱科場中以父為丞相未得進瀟出訪鄭侍郎道遇大尹投  
國學避之遇廣文生吳畦從容久之畦袖卷呈瀟由是出入瀟家

薦畦于鄭公遂先瀟一年及第按瀟于大中十三年  
及第則畦及第在此年惟此知舉為李藩言鄭侍郎誤

明經科 過訥

杜去疾故過少府墓誌銘公諱訥字含章澤州高平人曾祖庭大父遷考冥公以大中十二年明經

擢第當守選時潛修拔萃虛窗弄筆研幾自愧于雕蟲子奪在心可否詎由于甲乙於咸通四年授棣州蒲臺縣尉

諸科四人

博學宏詞科上見

知貢舉 中書舍人李藩

舊書本紀大中十一年十月以中書舍人李藩權知禮部貢院十二年二月以

朝議郎守中書舍人權知禮部貢舉李藩為尚書戶部侍郎蓋於放榜後遷戶部侍郎也 唐語林李侍郎藩知舉落人極多

十三年已卯

五月上不豫八月崩於大明宮

舊書本紀

丙申懿宗即位

通鑑

進士三十人

孔緯 狀元 舊書本傳緯字化文魯曲阜人宣尼之裔曾祖岑父祖我父遵孺緯大中十三年

進士擢第釋褐祕書省校書郎 廣卓異記 李璠 舊書李鄴傳

引登科記作孔緯大中二年狀元當從本傳 鄭子柱柱子

璠字景望博學多通文章秀絕 豆盧瑑 舊書本傳瑑河東人祖

大中十三年一舉登進士第 愿父籍瑑大中十三年

登進士科 新 崔澹 舊書崔瑛傳瑛弟瑛瑛子澹大中十三年

書瑑字希真 登進士第唐諱林崔澹容貌清瘦擢第升

朝 儲嗣宗 唐才子傳儲嗣宗大中 劉汾 汾大赦庵記云汾自

官至兵部員外郎咸 張台 朱張禮游城南記引唐登科記進士

通三年選本部侍郎 中有大中十三年及第之張台而無

嘉話錄所載慈 恩題名之張莒

諸科三人

知貢舉 黃門侍郎鄭顥 係榮北里誌序自大中皇帝好儒術特

重科第故其愛婿鄭詹事再掌春闈上

往往微服長安中逢舉子則狎而與之語時以所聞質於內庭學士及都尉皆登然莫知所自故進士自此尤盛曠古無儔然率多膏粱子弟平進歲不及三數人由是僕馬豪華宴游崇侈以同年俊少者為兩街探花使鼓扇輕浮仍歲滋盛自黃初等第於甲乙春闈開送天官氏設春閣宴然後離居矣近來延至仲夏京中飲妓籍屬教坊凡朝士宴聚須假諸曹署行牒然後能致于他處惟新進士設筵顧吏故便可行牒追其所贈之資則倍於賞數諸妓皆居平康里舉子新及第進士三司幕府但未通朝籍未直館殿者咸可就詣如不悛所費則下車水陸備矣

十四年

庚辰

十二月丁未大赦改元咸通

舊書本紀 新書在十一月

進士三十人

劉蒙

狀元見玉芝堂談薈

翁彥樞

永樂大典引蘇州府志侍郎裴坦知舉翁彥樞

登第王宗子翁彥樞蘇州人應進士舉有僧與彥樞同鄉里出入故相國裴公坦門下以其年髦優惜之雖中門內亦不禁其出

入手持寶珠閉目以誦佛經非寢食未嘗輟也坦主文柄入貢院  
子勛實日議榜于私室僧多處其間二子不之虞也其擬議名氏  
迨與奪進退僧悉然之矣歸寺而彥樞訪焉僧問彥樞將來得失  
之耗彥樞具對以無有成遂狀僧曰公成名須第幾人彥樞謂僧  
戲已答曰第八人足矣即復往裴氏之家二子所議如初僧忽張  
目謂之曰侍郎知舉耶耶君知舉耶夫科第國家重事朝廷委之  
侍郎意者欲侍郎刻革前弊孤平得路今之與奪率由郎君侍郎  
甯偶人耶且郎君所與者不過權豪子弟未賞以一平人熱士議  
之郎君可乎即屈其指自首至末不差一人其豪族私讎曲折畢  
中二子所諱助等大懼即問僧所欲且以金帛啗之僧曰貧僧老  
矣何用金帛爲有鄉人翁彥樞者徒要及第耳助等曰即列在內  
科僧曰非第八人不可也助不得已許之僧曰與貧僧一文書來  
彥樞其年及第竟如其言  
劉虛白 撫言劉虛白與裴坦早同硯席坦主文虛  
白猶是舉子試雜文日簾前戲一絕句云  
二十年前此夜中一般燈燭一般風不知歲月能多少猶著麻衣  
待至公 北夢瑣言竟陵人劉虛白擢進士第嗜酒有詩云知道  
醉鄉無戶稅任  
他荒卻下丹田 令狐滈 舊書令狐楚傳楚子綯綯子滈少舉進  
士以父在內職而止綯罷權軸既至河

中上言曰臣男瀉爰自孩提便從師訓至于詞藝頗及流輩會昌二年臣任戶部員外郎時已令應舉至大中二年猶未成名臣自湖州刺史蒙先帝擢授考功郎中知制誥尋充學士繼叨渥澤遂忝樞衡事體有妨因令罷舉自當廢絕一十九年每遣退藏更令勤勵臣以祿位逾分齒髮已衰男瀉年過長成未霑一第犬馬私愛實切憫傷臣二三年來頻乞罷免每年取得文解意待纔離中書便令赴舉昨蒙恩制寵以近藩伏緣已通禮部試期使令就試至于與奪出自主司臣固不敢撓其衡柄臣初離機務合具上聞昨延英奉辭本擬面奏伏以戀恩方切陳誠至難伏冀宸慈察臣丹懇詔令就試是歲中書舍人裴坦權知貢舉登第者三十人有鄭義者故戶部尚書澣之孫裴宏餘故相休之子魏營故相扶之子及瀉皆名臣子弟言無實才諫議大夫崔瑄上疏曰伏見新及第進士令狐瀉是河中節度使檢校司空同中書門下平章事令狐綯男舊名壽改名瀉竊聞頃年暫曾罷舉自父當重位而權在一門求請者詭黨風趨妄動者耶朋雲集每歲春闈登第在朝清列除官事望雖出於綯取捨悉由于瀉喧然如市傍若無人威振寰中勢傾天下及綯去年罷相出鎮其日令狐瀉於禮部納卷伏以舉人文卷皆須十月已前送納豈可父身尚居樞務男私拔其

解名干撓主司侮弄文法若宰相子弟總合應舉卽不合繼絕數  
年如宰相子弟不合應舉卽何預有文解公然輕易惑蔽聖聰將  
陛下朝廷爲絢溺家事伏恐奸欺得路孤直杜門非唯取笑士流  
抑亦大傷風教伏請下御史臺子細推勘納卷及取解月日間奏  
臣職當諫署分合上聞疏留中不出北夢瑣言時張雲劉蛻崔  
瑄疊上疏宣宗優容冊府元龜大中十三年十二月河中節度  
使令狐綯以其子瀹求應進士舉勅曰令狐瀹多時舉人極有文  
學流輩所許合得科名比以父綯職在樞衡避嫌不赴今因出鎮  
卻就舉場況諸通規合試至藝宣令主司準大中六年勅考試只  
在至公如涉徇情自有刑典從今已後但依常例放榜本司舉士  
貴在得人去留之間惟理所在按此爲十四年貢舉故類入此年  
北夢瑣言綯上表訴子之冤其略云一從先帝久次中書得臣  
恩者謂臣好不得臣恩者謂臣弱臣非美酒美肉安能嘆眾人之  
口時以執己之短取諸于人按先帝謂宣宗表蓋上懿宗也十  
國春秋令狐瀹登進士羅隱賀以短章瀹  
父綯曰吾不喜兒得第喜得羅公一篇耳  
鄭羲 裴宏餘 唐語  
坦爲職方郎中知制誥裴相休以坦非才不稱力拒之不能得命  
旣行坦至政事堂謁謝丞相故事謝畢便于本院上事宰臣送之



施一榻壓角而坐坦巡謁執政至休聽多輸感激休曰此乃首台  
謬選非休力也立命肩輿便出不與之坐兩閣老吏云自有中書  
未有此事人為坦恥之至坦知貢舉擢休子宏餘上第  
時人稱欲益彌彰按宏餘宰相世系表作宏字裕志  
魏晉見  
令狐綯傳 崔濟 舊書崔琪傳球子濟 陳河 冊府元龜時舉子九盛  
皆衣冠之子惟陳河一人孤貧負藝第于榜末 按新  
書藝文志陳汀字用濟大中進士第疑汀即河之誤

諸科三人

博學宏詞科 冊府元龜大中十四年考試官庫部  
員外郎崔芻言放宏詞登科一人

知貢舉 中書舍人裴坦 舊書本紀大中十三年十月以  
中書舍人裴坦權知禮部貢舉